

信豐縣志卷十五

藝文志四

宋詩

羅椅 邑令有傳

拱日門

桃江抱城來武山排闥入杲日出扶桑橘紅蔗溪濕公退行  
朱闌萬象俱收拾無數喚舟人沙頭雁行立

安定門

楊柳樹長繫渡頭船隔岸幾人家青林吐炊煙飛鳥逐  
林間遊魚躍溪淵物各適其性于人胡不然

禾豐門

城西路平夷五里近水南旭日明高岡瑞烟鎖叢杉時和歲  
豐稔歸人多醉酣仙臺玉簫聲對景思鸞驂

清平門

行行西復西稍喜市聲靜征夫指前途望望梅花嶺淡烟雞  
犬村落日牛羊遲忽見荷鋤人喚起歸田興

民信門

南山天馬來南城下盤踞前撞古寺鐘後過譙樓鼓我來俯  
崔嵬山靈相呼舞年豐民物熙細聽閭閻語

朝天門

駕言出北門長橋拱日外雙溪東西來到此而始滙人言似  
章貢玉虹夾其背擬作合江亭景物無小大

覽秀亭

燕賀初成百尺臺一新粉堞更迴迴水流東北交虹去山自  
西南擁翠來瓦縫參差千戶密市城翕合六門開賓儔眺望  
從今始佳氣隨風入酒杯

明

李得輔 邑人

和羅邑侯咏六門詩

東方朝日升和氣隨風入古城瞰蒼江潮落沙痕濕遠浦客

丹歸雲帆漸收拾遙望武山巔亭亭翠屏立

安定俯東流門外多江船靈官古祠下垂柳籠晴煙灘聲響  
鼙鼓驚起蛟龍潛景物觸吟興詩成信偶然

林壑何處玉諸峰翠面南遙望真仙宮翠葆生松杉誰家塘  
有蓮夕照方紅酣恨不隨白鶴柳陰少停驂

時清民物安關柝長寂靜漁歌渡竹橋樵唱登藪嶺曉雨桑  
麻村春風桃李徑一笑倚欄杆飄然發清興

南山高峯律近對如虎踞民富俱信豐鼎食鳴鐘鼓七里層  
灘高浪滾雪花舞古寺隱翠微時聞喧梵語

朝天路通津出入關西外西江合東流波瀾泪相滙長橋枕

溪岸行人踏藪背際茲雍熙世山郭日亭大

周鳳字文明進士龍陽人本府知府

### 登信豐城

登臨曉上信豐城兵後遺墟草樹平一自綠林經小警幾多  
赤子累殲生天戈有道行誅戮狼火無烟賴肅清從此溪山  
成樂土月明深處有人行

王綸江西叅政

### 花園早春

簇簇林深隱隱紅石家錦帳矮墻東落梅地濕消香雪飛絮  
枝柔颭暖風拾翠人遊殘鴈後催耕鳥弄上元中炎涼南北

雲滿前林翠滿溪  
琳瑯拋擲小橋西  
鳥聲飛噪樹頭亂  
牧唱橫騎牛背低  
戈在魯陽光返照  
馬隨王濟障無泥  
倚門莫訝黃昏後  
錦綺無邊望欲迷

東禪曉鐘

雲蘿烟薜掩招提  
桃水東邊企嶺西  
上界鐘敲半輪月  
殘更人聽一聲雞  
僧翻貝葉燈將滅  
樵步雲根路尚迷  
明發嗟予騎瘦馬  
紫微回首玉繩低

西湖夜月

瑟瑟菰蘆淡淡秋  
湖光如練泝寒流  
影搖波浸月中桂  
氣逼雲籠天上樓  
背踏金鰲銀漢近  
聲飛玉笛素娥遊  
何時擺脫紅塵鞅  
七尺輪竿一葉舟

七里灘聲

曲曲灘回轉轉山  
無端震蕩更潺湲  
夜深驚醒蛟龍夢  
沙畔容留鷗鷺閒  
泊岸似聞河伯嘯  
倚臺遙憶子陵還  
寰瀛未必如斯險  
千里乘風指顧間

五園仙蹟

五園仙蹟太荒唐  
舟轉如何見保光  
塵幻有鳧歸王子  
洞深無犬吠劉郎  
鶴遊天外人三世  
鸞跨池邊月一方  
欲向蓬邱

別浦悠悠雲弱水兩茫茫

### 穀山積翠

砥柱分明插太空稜稜氣勢更葱葱佛頭突出僧嵐外鸞尾  
斜拖杳靄中濃淡黛分如畫盡高低碧立自玲瓏等閒登眺  
歸來晚爭訝仙郎月下宮

### 桃水拖藍

閃閃波光漠漠烟烟波萬頃自年年浪翻垂柳影難辨痕染  
浮萍色更鮮膩網沙柔青似靛濯纓水溜碧于天舩頭徹底  
分明見不用燃犀照九淵

### 劉貴一邑人有傳

### 竹槁夜泊

維舟夜泊竹槁西隔岸人家柳映扉回首不知何處去夜深  
都逐釣舩歸

### 訪東禪寺僧

渡口來相訪禪關傍水濱白雲誰是伴翠竹自爲鄰江鷺連  
風浴山花着露勻悠悠無一語終日澹相親

### 遊穀山

步出城西隅遙遙度空谷白雲隨行踪石上或相觸落花從  
風飄祥鳥凌虛速解纓臨清泉散髮對疎竹悠悠只自得擾  
擾竟何欲

同呂子賢遊南山寺野老巖

湖上有山山有寺寺門還對大門開因同野老穿巖谷却愛  
高僧坐石臺天際乘槎牛斗近雲間張樂鳳凰來俯看下界  
多塵土如此匪高亦壯哉

張純邑人有傳

### 猶山

猶山地脉真花木四時春古石留仙蹟清泉浴佛身禪心閒  
老衲懷抱散幽人絕頂憑高眺烟霞近紫宸

黃仲昭名潛以字行莆田人翰林院編修東軒集

自信豐往龍南過竹高嶺作

登登已度幾峻嶒鳥道縈回尚未平憲節穿雲霧去輶車

多傍白雲行山如盃甲偶然事嶺上有錢孟民習干戈遂得

名司牧倘能興化道貪泉寧免隱之清

### 送楊上舍還桃江

廿載寒檠共夜窻清才曾見重鄉邦南山雨露文初變北海  
風雲志未降子佩青青辭壁水仙舟冉冉豈桃江填門賀落  
何勞謝酒熟床頭正滿缸

楊敬盱眙人本邑訓導

### 花園早春

東風披拂散層陰爲報陽和遍處臨烟釀晴光回碧嶂杏扶

春色上青林  
村流暖抱堤  
邊柳嶺樹初鳴  
花外禽自是太平  
多樂事遊人載酒任歌吟

竹橋夕照

竹畔危橋誇碧流  
夕陽返照水悠悠  
千山掩映霞光合  
萬壑微茫日影浮  
野鳥歸林猶未定  
村烟籠樹尚淹留  
無腔短笛橫牛背  
信口吹來過隴丘

東禪曉鐘

衲挂蘿墻夜起忙  
蒼茫雲樹半飛霜  
月光遙映三江靜  
鐘韻悠揚五夜長  
敲斷白雲天未曙  
撞殘清漏鶴將翔  
寒潭澄徹禪心定  
金獸爐中有戒香

西湖夜月

蕩漾湖光萬頃秋  
平鋪月色滿紅樓  
影涵玉宇星辰燦  
波浸銀蟾桂魄浮  
萬籟不鳴漁水靜  
一輪遙轉水龍遊  
蒹蘆風送天將曙  
殘照沙洲起鷺鷗

七里灘聲

灘聲澎湃如鼙鼓  
湧月流沙吼地長  
雪浪情噴高漾漾  
銀波冷瀉遠茫茫  
聲喧欸乃搖松楫  
湍急悠揚掛錦檣  
怪石溪邊閑佇望  
白蘋紅蓼水雲鄉

五圍仙蹟

聞說仙人共奕棋  
輸贏未卜世更移  
丹成九轉封金鼎  
桃種



千年滿玉堦青鳥不來雲索冥白羊已化石參差煙霞似閨  
天台路不見當年三秀芝

竊山積翠

突兀層巒結翠螺曲穿石磴滿藤蘿嵐光挹秀迎花近  
薰香傍戶多碧對高人倍逸致青隨詩客伴吟哦四時濃淡  
相宜處載酒頻來上綠坡

桃水拖藍

縈紆如帶暖拖藍半遠晴山翠影涵桂棹謾搖和草碧蘭舟  
輕泛蕩波醴清漣遠映煙中樹綠靄濃連柳上嵐笑指屋簷  
佳勝地若耶溪畔海東南

鐘

字良玉號西坡吉永豐人咸寧知縣晉秋漫稿

壬戌九月入信豐十五夜月色如畫詩示行實時  
也

秋山未老尚青青秋氣蕭森夜氣冥千里好風行不盡一  
明月睡初醒水中星動天疑墜匣裏龍吟劍是靈自信江湖  
甘白首詩成誦與阿咸聽

題南山觀壁

南山遠勢連崆峒山下樓臺烟霧中東海仙人詩滿壁月波  
道士顏如童嵐光和雨滴春翠丹氣接天浮夜虹憑高一  
空宇宙俯視下土塵濛濛

披錦堂題詩南山寺

花江上昔逢君最喜於今見古人却惜神龍蟠斛水尚期  
秋鷄離風塵黃紬被冷人何在披錦堂空迹易陳兩載相知  
多少事海天南望重傷神

紀行十六日經下韓灘作

曾因蜀道損朱顏到此還逢百丈艱水自東來奔似馬石從  
中起突如山盤渦定是蛟龍窟隘路真成虎豹關名利不能  
驅釣叟結廬翻說此中閒

劉格 從化人本邑知縣

花園早春 次王叅政韵

佇看江郊落嫩紅鶯啼初過楚城東天桃艷捧朱樓日細  
聲調綠野風淮水瓊花烟雨外蔣陵玉樹畫圖中莫言春  
偏歸早春早春遲一樣公

竹橋夕照

編梁橫夾萬家溪隔岬晴曛日欲西色映遠山銀障合影迴  
清渚玉虹低綠蘿烟裊籠丹壑朱槿花飛蔭紫泥猶愛菱歌  
歸渡晚清平聲調幾人迷

七里灘聲

一派流環郭外山紆迴沙石水潺湲三春急響轟雷聞五雨  
高懸綵鷁閒摘桂靈槎雲外出採菱歸棹日邊還無端簫瑟

天風正疑對松海萬壑間

春日登公署高樓

晴春飛色入雕欄水郭山城鏡裏看  
桑梓喜逢郊外柳對春誰出袖中彈  
日籠官閣騰朝靄露滴花叢落曉寒  
淑景年年原不異樽前呼取醉何難

楊

銘 邑人舉人御史

秋日登覽秀亭

舊題壁上記曾遊風景今來大不侔  
村郭樓臺千戶處山角烟雨八窻秋  
杜陵戀客重過魯王粲思鄉兒別別  
情遠獨無憂

俞 通 邑人有傳

前題

新構層樓接上臺將軍暇日共徘徊  
城臨秋水天初暮日暮斜陽霧欲來  
宮殿虛無震眼迥樽壘歡洽百年開  
何處昇平世日日相期醉綠醅

聖山

偶來攜客上方遊樓殿飛空紫翠浮  
此度登臨絕塵想致身何必在丹丘

雲滿青山水滿溪回頭遙覺四天低  
誰能棄却人間事來向竹林溪處栖

卷之三 高樓

晴春飛鳥入雕欄水郭山城鏡裏看  
桑梓喜逢郊外徧對誰出袖中彈  
日籠官閣騰朝靄露滴花叢落曉寒  
淑景年年原不異樽前呼取醉何難

楊 銘 邑人舉人御史

秋日登覽秀亭

舊題壁上記曾遊風景今來大不侔  
村郭樓臺千戶幾山角烟雨八窻秋  
杜陵戀客重過魯王粲思鄉兒別別  
倚蓬頭頻北面江湖雖遠獨無憂

俞 通 邑人有傳

前題

新構層樓接上臺將軍暇日共徘徊  
城臨秋水天初暮夕照斜陽霧欲來  
宮殿虛無震眼迥樽壘歡洽百年開  
何處昇平世日日相期醉綠醅

聖山

偶來攜客上方遊樓殿飛空紫翠浮  
此度登臨絕塵想致身何必在丹丘  
雲滿青山水滿溪回頭遙覺四天低  
誰能棄却人間事來向竹林溪處栖

吳百朋

字惟錫義烏人進士南頓巡撫

袁山即事

時同蔡參戎征下歷駐此大捷志喜

山城曾駐王公節我亦提師穀嶺巔  
偶爾笑談擒孟獲敢云功伐勒燕然  
三軍死戰輕三伏百姓生全可百年  
白髮漸生金革裏歸田無計媿先賢

蔡汝蘭

廣德州人參將

前題

聞說仙巖倚翠微閒隨野鶴扣雲扉  
兩江錦向桃枝合百壑春從柘影歸  
回首崆峒無障翳大觀滄海有漁磯  
風塵老我烟霞舊此日何緣一袂衣

九日登九日岡

秋水晴雲一甲碧天穀山曉曙拂青烟  
一聲鴻雁驚新序滿目黃花是舊年  
下南嶽笑歌還落帽西江洗酌更烹泉  
登高最愛清秋好雙眼天空照萬川

鄧卓邑

人教授

竹橋夕照

竹外長虹鎖碧石溪溪頭殘日欲沉西  
晴光斜逐空梁下暝色平林斷岬低  
楓閃落霞金有色馬憐錦帳淨無泥  
魯戈願借四絲照紫蘭綵綵榆絕景迷

袁參戎陸生續

疎鐘度曉出松蘿  
江東更谷西信是山僧敲落月忽聞  
寶樹影搖金殿  
魚乳徹豐山響蕉鹿驚回大夢迷百八欲從  
論秘訣行雲深鎖路高低

西湖夜月

流瀼瀼金滴素秋老蟾飛影吸江流清涵座土三千界光浸  
瓊瑤十二樓鶴傍白沙當鏡浴龍醒靈澗弄珠遊良霄霽景  
潭無限怪底犀纒來石舟

俞獻可 邑人有傳

征寇凱旋

明嘉靖間粵寇長驅至邑大掠江東制寇陸公徵獻可

佐叅帥蔡水南討平之故作是詩

天子宵衣未肯收中丞伏鉞到炎州  
數莖綠髮綠誰白總爲東南赤子憂

五嶺風烟靜不開劃然雷雨一時回  
髑髏血染吳鉤適知是姚平殺賊來

大將旌旗映日紅旄頭夜落海天東  
風傳鼓角村村靜雨潤桑麻處處同

俞 溥 邑人有傳

董坑巖

風雨蕭蕭欲暮春弟兄連袂到禪扃  
只因乘興忘攜酒豈爲

談空遠問僧形勝不知誰設此山靈應記我來曾與闌明日  
尋歸路傍柳隨花豈可能

鄧友誠 邑人有傳

### 可樂亭

耆閒會上總衣冠身世優游宇宙寬惟愛溪山歸勝景盡拘  
風月入吟壇綸巾羽扇尋常樂翠竹黃花次第看聞道甕頭  
春似海諸公休把兩耆攢

### 南山觀二首

山如筆架擁清都形勝難爲畫史摹殿上雲霞生繡座洞中  
雞犬襲丹爐紫烟紅雨有時有白鶴青鸞無日無細拂古碑

晉歲月重興已是宋祥符

去郭西南二里間洞天深鎖碧雲閒宮商律按風前籟水疊  
圖開雨後山此地紫芝何處得昔人黃鶴幾時還不須遠向  
武陵去流水桃花總一般

黃 閏 邑人有傳

習靜軒 爲俞以敬賦

聞君幽隱愛名山野鶴孤雲意獨閒蘿徑草深人少到林扉  
春靜鳥知還窓前仙籙焚香誦篋裏陰符閉戶看我欲相從  
結芳社朝簪未擲復何顏

劉 鴻 泰 和人舉人

曾于海上看英雄老眼年來一半空  
正數洛中稱衆老又從  
林下見諸公古今有幾風騷將天壤  
無多矍翁早得接簪  
同散逸醉顏不惜向君紅

黃 注 邑人有傳

九日金文寺登高

節序逢重九來遊歷上方梵傳天樂近  
臺薦雨花香惹日乘  
秋霽清商送晚涼祥光與佳氣相併禮空王  
是日與客移飲野老菴有懷吳興諸友

寒變層臺冷風生月殿秋囊因萸佩馥酒爲菊花浮  
眺迥致

留日乘高洽命籌吳山千里別應向曲中求

上漚嶺

懸高緣復磴躋險躡危岑樹出參差景鶯調遠近音歸雲舍  
疊嶂落日下平林屬目看茆宇徒傷野客心

南野道中

山下靡蕪綠未齊山中亂聽鷓鴣啼  
知客路行無已幾過  
前溪更後溪

俞 適 邑人詳薦辟

寶塔寺

隱隱浮屠寶刹開登臨何異古層臺  
二儀清濁分高下兩曜



升沈任往來夜靜風鈴驚鶴鵲年深春雨長莓苔欲題名姓  
傳千古珠懶慚無及第才

覽秀亭

危樓高倚古城阿勝日登臨載酒過山勢南來通百粵江聲  
東下接黃河雨中春樹高低見檻外雲林紫翠多俯仰乾坤  
一回首南山千古獨嵯峨

膺詔領薦

九重徵詔自天來鶚薦新承愧不才豹變已知山霧散騰  
迎覺海雲開不慚華髮將盈帽謾想黃金為築臺早晚東書  
到故里會攀仙翼上蓬萊

邱

濬

瓊州人

大學士

贈丁縣

詩

小引

榮任信豈不勝欣喜蓋信豐章貢名邑予素知其民情  
土俗之美子往治之政與學當不可以偏廢也意見子  
詩

家在嶺南官嶺北未應風氣頓然殊民淳為政聊因俗事簡  
得閒宜讀書當路不須栽枳棘誠心端可化豚魚老子早晚  
南歸去側耳梅邊聽美譽

張

省

邑人有傳

和某宿南山觀

先生暫寓琳宮宿挂劍床頭神鬼哭霞明寶殿若布金星燦  
瑤臺如撒玉夜寒丹氣射天紅露滴嵐光點窓綠忽聞下界  
雞犬聲驚破邯鄲夢初熟

羅漢菴

桃花仙境似斯菴杖履從容任遠攀石逕峻嶒多積蘚僧房  
虛敞半贊山雲迷洞口龍眠穩月滿林間鶴夢閒幾欲逃禪  
方丈室只緣心事繫人間

俞

淵

邑人夔州通判

南山寺

鐘鳴日已昏獨騎款屐到山門長明寺照塔前樹乞食

僧歸郭外村塵榻尚多千歲骨枯禪難返昔年魂夜深誰  
三生話坐對長廊月一痕

張勉學

吉安府推官

遊奉真觀復上南山寺

初入寥陽境仍依般若天松風搖寶閣花雨散瓊筵馬度雲  
邊樹人窺竹下泉地偏欣景會心遠謝塵牽  
貝葉含題字鳥聲清入絃黃冠狂客趣白社遠公禪古韻從  
誰語幽懷祇自憐移尊餘興在孤月挂山巔

俞

紳

邑人順昌丞

南山寺

巖巖重疊護南山一徑松陰綠水灣碧甃喜成今日醉白頭  
應笑此身閒偶尋世外如來境已破人間夢覺闌竹秋芒屨  
渾落落夕陽亭上片鴻還

林大輅 莆田人江西副使

### 南山寺

山水多佳氣條然出郭情溪聲迴古寺樹色隱孤城勝事隨  
中爲南州無甲兵菩提緣業淺吾欲學無生  
蓮嶺罷清晝軒車來此峰聞鶯初拄杖看鹿忽鳴鐘野潤分  
云在寒沙入徑松杜陵貪第日登覽得從容

明明通 羅田人

### 遊穀山巖紀興

巖巖傳名勝遊觀約二賢鳴騶侯在後杖履快登先竹徑通  
幽入溪橋躡磴旋巖層真架閣方側自軒園舉首天門迥憑  
虛海島懸白吞雲影色綠擁斷山烟崖井流飛瀑欄杆樹倚  
巔花枝橫岬麗蒼榦倒藤牽鹿躡遺香麝松巢宿鶴窩房櫳  
依峭壁菴榻就芋綿鳴吠無雞犬囂塵絕市塵人聲鐘磬聞  
茗白石泉煎坐轉高春日談忘太古年勞形空役役報德甚  
涓涓案牘非行道逃禪可是仙有心慙荷蕢無計脫徽纆將  
學偷閒樂仍隨素定緣東海金蓮所陽明小洞天鬱孤周太  
極浪迹此新鐫

張 璠 江西副使

南山寺

試看何方可解頤，禾豐門外有招提。  
青山倚寺僧堪隱，修行藏門客不知。  
風裊篆烟香細細，日移花影畫遲遲。  
分明一段曹溪景，何必尋真遠問師。

陳良珊 江西副使

前題次韵

看山聊為一支頤，笑倚吟筇手自提。  
客到花前茶旋熟，僧敲月下鶴先知。  
雨疎燈影雁聲急，露滑松梢鶴夢遲。  
試問長生有真訣，直從方外訪丹師。

俞 綸

可樂亭

可樂亭中物色饒，登臨日日不辭遙。  
時花調鶴真能事，把酒聯詩有勝招。  
天與康強陪晚景，身將耕鑿答清朝。  
時人欲識吾儕樂，試看浮雲過碧霄。

邢 珣 當塗人本府知府章貢雜稿

府館

秋嵐收徭捷，新正急泚征。  
師行頻涉險，農務未妨耕。  
梅邊寒氣冷，人逢此日晴。  
行當靖邊圉，三省樂昇平。

周進隆 江西副使

南山寺

鏡聲敲出樓前月松影驚騰澗底龍黃鶴飛鳴無客擾  
棲止有僧從

張汝弼華亭人南安知府

登城

我愛信豐城城中樓閣層塔形孤玉柱鄉語半金陵民富耕  
樵業官稀力役徵世間真樂土安分即安生

南山觀

何年建此南山觀今日來遊良海仙詩草漫留黃竹逕墨苑  
亂洒綠蘿烟王郎飛白輪壺矢焦道言玄咲汞鉛千里清風

一聲鶴遠頭歸去與潮然

桃枝江

九里桃枝十里河鴈鴉笑我狂奔波誰知六合皆吾事世路  
幾橫能幾何

俞 雍 邑人將樂主簿

香山

生平清興在蓬壺浪蹟行蹤且自呼舊社九人誰是我當年  
一鶴豈今吾勢蟠宇宙雄圖濶峻擁峰巒秀色滿為問山靈  
靈在否掀髯長嘯海天孤

湯顯祖 臨川人遂昌知縣玉茗堂集

送黃九洛歸度

遊于江南春草齊秣陵行色遠萋萋臨流一道章門柳長遂  
相思到水西

西上鸞鶴起晴烟南浦鷺逢上瀨船怪得異香常入夢君家  
九十九峯前

羅汝芳 南城人雲南叅政

桃津

世塵眼底浮空花滿前擾擾爭喧拏避喧偶得桃源路門寨  
却到秦人家津桃萬樹絢晴瀑香風陣陣遙相續沿流踏花  
路不迷窈窕尋源向空谷是誰春釀紅蒲缸邀余對酌開雲  
房坐獻蟠桃實累累莫知所出從何方且嚼且吸千歲久聞  
看烏兔穿窓牖有時狂歌宴西池有時爛醉翻北斗忽然憶  
我初來年津頭漫爾呼歸船種桃主人尚未老折然一笑迎

花邊

黃戴玄 邑人有傳

初到香山寺

到來筋力倦不敢歇高深山寺初投足暖泉久在心  
夜氣明月射寒林宴坐松扉掩珠無夕磬音

宿香山寺

法山留我宿枯澹亦逍遙燭細燈明滅寒深月寂寥

話不禁通宵何計常來此隨緣乞一瓢

哀道人爨

海園化蝶去無歸石窟蒼茫接翠微  
嶽巘路窮行委曲溪橋  
峰遠望依稀奇雲赤色初疑畫撲地  
青苔欲上衣汲汲煎茶  
供野渴丹爐又見火煙飛

煉丹臺

絕壁無人到獨來心亦寒  
捫蘿上石磴落膽吟峰  
巖龍虎生

臺傍有龍  
虎二石 煙霞集樹端  
安期若可遇從此學金丹

暮春登來星閣

江樓高樓聚客星層極山繞恰如屏  
花開花落思春去

春來雨不停海底魚窮那可賦  
林間雀噪預為靈倚欄政自

漸雙鬢忍對浮烟一縷青

月夜宿鳳凰山

初投高寺宿滿月正清澄  
祇樹聲搖霧旃檀香繞燈  
一山揚素友百慮息孤僧不覺懸崖下  
幽光落幾層

遊龍塘山

此時風正暖草密正多間  
積霧猶凝石殘花欲遍  
山插秧歸牖上聞磬發林間  
谿谷靈光邃盤旋不記灣

黃濟邑人有傳

金鐘山寺

不見孤提在翠微青杉綠水掩柴扉細攀蔓草尋迴蹬旋掃  
古碑老石有綠聽佛法飛塵無計上僧衣分明不是  
人間世怪底遊人足跡稀

陳子壯

南海人南宮集

題姚石夫小像

雲衢即石顛混俗與逃禪煙霞塵外侶儼若地神仙

吳人先

邑人

遊小龍山

登臨古磴涉流泉突兀斜開別有天精舍疑從雲裏築柴扉  
却向澗前穿淵明常賦幽居性惠遠頻供靜裏禪莫道虎溪

三笑遠願由此會息諸緣

郭君聘

邑人有傳

龍舟寨上五日作

晏坐規常畏陸沉蒲長寬得半年心初晴鶯舌喧偏永幾樹  
蛩聲出一陰採藥片時猶肯假落花深處可能尋今朝勉繼  
前人意酒少山多亦賞臨

游香山

周遭煙漠漠目倚翠微巔九十九峰中路窮拓一天巒翔而  
岫錯綺望若青蓮足與目不給安能跨鶴穿磬歇聞猿嘯風  
過藥草鮮紛糾因何物誰能享寂然不肯負臞骨還當就石



賦

游穀山

要知清淨在所以訪祇林大慧松間翠安禪竹隴陰月來仙  
梵靜霜落寺鐘深絳葉聽經久臨薰作唄音

國朝

梁佩蘭 南海人翰林院庶吉士大瑩堂集

寄懷信豐方鶴洲明府

才人多外吏倖抱寄專城性敏無難事心清見物情涉江桃  
浪暖種頰穀雲平九十九峰頂高吟鶴和鳴

信豐有九十九峰之勝

平生榮祿養千里奉親歡白髮迎花笈細編擁日老天長思  
倚杖風便為彈冠振矩扶輪手寧因重一官 時迎尋公在署

施 男 吉水人湖廣副使著節竹杖

春日口號

桃江度僻邑也漢中吉大邱尹是邦有賢聲霞灰飛日  
土牛簫鼓搏獅逐籬傾動城闈溢浦而上滿目荆榛此  
土差稱康壤戲拈口號三首

羨逐兒童一欠伸闌門簫鼓沸吹脣奮矜搏象何曾見安息  
於今實未賓

青旄綵仗簇貂蟬絃管春風度律天躒躩香塵隨馬至相逢

盡道使君賢

十分春色醉雙眸  
撾鼓鳴金過未休  
贏得兒童搔粉笏  
漢官儀在野人頭

魏書 寧都人

東禪寺

古殿來應自宋前  
光明銅像一軀全  
能堪萬姓棲僧舍  
未許五丁動座蓮  
鍤鼓打成塗毒義  
神鐘沉去鉢龍淵  
道猷東起無西祖  
耆舊可聞頰悟禪

遊武龍山

孤亭最據武龍巔  
拔出高峯何曠然  
雄砥波濤環郭外  
勢凌培塿伏人前  
半生踪蹟成竒賞  
片晌松風結勝緣  
雨態雲姿看向盡  
紅輪又欲過南天

方廣院

四鄰皆蔬圃  
何故號荒園  
似待今時築  
因留昔日言  
素蓮生淨渚  
水竹抱溪源  
法汰仍孤處  
誅茆避衆喧

重過方廣院

客况頻來問水田  
薰風野外拂晴煙  
林間聚鳥能聽法  
水底潛龍解護禪  
方等經文齊上下  
廣長舌相覆三千  
荒園此日金沙地  
慈應前身在宋年

劉婆井

何年此卓錫傳是宋時僧母渴靈泉出神通慧應稱遠年幾滅蹟弔古華升陵多少名家塚崇封尚未能

宋慧應禪師母劉氏病渴師卓

錫而井泉出故名劉墓即在井傍

張尚瑗 吳江人興國知縣覆笥集

信豐南山寺坏土巋然相傳為呂汲公墓瞻拜敬題

乘簾元輔敷關中正色閭閻七尺躬已謝黨爭起維蜀猶經竄罰矯熙豐白練不礙尊賢意二井長霑潤物功歸葬君惡青史在故留疑塚重蘇叢

國事分明屬木悖反顏揚畏又安論迢迢望闕鬱孤路慙慙躑躅端禮門何處粉昆騰謗札他時缺漢慶還轅玉棺可

從天下留取竒僧話宿根

公在朝時有僧募美楨與之既至信豐僧迎之南山寺中曰公物故

在是未幾病沒遂以殮

周之鼎 邑人

弔呂汲公墓

流火新占入鬼輿隆平遺烈蕩無餘何辜慙直情相賣不稱愆尤罰宥紓青史坐連揚誹語粉昆幾幸免爰書首邱無復孤臣望拜闕應知血滿裾

劉弘鈞 湘潭人本邑知縣

東郊勸農歷武山諸勝

虔南氣候殊三月秧早時行行出東門廿里山嵐膩因坡治

為田密比排雁翅笠斜紛王伯餉饁走婦稚惘然念民勞有  
懷慚撫字舉頭訝屏列武山浮積翠昔聞武氏族避跡在斯  
地空聞澗口松偈仄足難跂右旋入霍夾劍戟森排比膠粘  
欲墮石俯仰令心悸遷迤來縣山山下衆泉委潏為綿江源  
湍激若雲駛幽興未終極紅日忽西墜山花映歸步農唱尚  
媿媿茫然一回首絕壁孤松倚

張執中 保安州人本邑知縣

### 七里灘聲

岫澗沙澄古渡頭江聲澎湃湧中流浪花濺濕晴如雨水氣  
凝陰夏亦秋彷彿三春臨禹蹟依稀八月怒陽侯瀟瀟湘湘

風雷壯瞬息青峰一葉舟

### 遊穀山作

林下輕風盛水紋暫攜吟屐避塵氛有輿小隊原無擾轉酒  
佳蔬亦自醺路轉忽驚飛白練坡平偏喜亘黃雲山禽喚喚  
遊人住西崦俄看翳夕曛

章履成 會稽人 贛南副使

### 古株山

品山不必竒石色先瘦皺鑱盡肥與濃價乃萬金購虞山參  
蕉曉頗遜吾吳秀茲峯雖一拳同源忽異構青壁堆瓏璽蒼  
紋羅篆繡竹樹繚繞之碧澗喧左右舍輿憇其麓逃暑如脫

疲茶亭解午渴溪釣踏飛溜冉冉樵婦群花鵲鬢光點對此  
欲忘倦幽鳥正啼晝恨不遭阿章攫之入懷袖

黃 虞 邑人有傳

烏漾灘

鍊石亂峰屯高低束水門翠屏雙嶂夾雪浪一溝奔不看飛  
濤壯誰知異景存舟虛元利涉險易信乾坤

來星閣落成

新閣巍巍高岬巔迥凌桃浪架翬鸞慶鰲正向南河星躔簾  
鐸平臨北斗懸拂袖欲鞭秦帝石橫眸直瞰楚江天鷹空好  
捉青蓮月摘得丹枝向水燃

張 瀚 大興人 贛縣知縣

歲暮由信豐回贛縣道中作

僕僕頻行役長途歲已殘雲深山路暗雪逼筍與寒不厭  
霜苦嘗懷撫字難殷勤謝父老為我進朝餐

自媿才疎拙何堪兩邑符只圖矢勤慎或可免追呼耕鑿  
村落朝昏逐道途看他民力好瘠土未荒蕪

遊南山作

石磴迂迴上清陰望不分林深長蔽日山僻欲生雲劫火餘  
殘寺荒碑訪古墳山有金文寺寺右有宋呂汲公墓縱觀來絕頂群岫亂斜

曛

謁呂汲公墓

萬里南荒竄孤忠逐旅魂  
君恩已歸葬此地墓猶存  
斷碣莓苔合空山狐兔躡  
春風寒食近吾欲奠椒餽

舟泊烏漾灘同葉秋林看月

一片桃江月同君靜夜看  
光分山影亂涼透露華團  
漁火隱汀渚波聲響石灘  
涼風起天末自覺葛衣單

葉方時 南昌人明經

送張北屏明府兼攝信豐

京畿才具美無雙盛業應  
知繼曲江政本循良元氣  
聚人安作息俗風龐但將  
邑事如家事不問鄰邦是  
我邦試看民情

歌孔通遮輿道上喜爭扛

同北屏明府家秋林赴信豐

一時心目喜雙清郭外青  
山面面迎碧玉篩風筍有  
節黃金佈地麥初成太平  
景象豐年兆襦袴謳歌兩  
境爭天付閒人  
信豐在贛之南

赴信豐牛軛嶺

崇卑路不定平北復升天  
聽水千尋澗牽雲萬仞巔  
仙霞入想像梅嶺會詩篇  
二地予經歷處牛軛真名勝  
天留待我傳

立夏呈北屏明府

謝豹啼殘叫郭公春風吹  
盡換薰風定前籬解皆成  
竹道上

花飛任轉蓬酒煮青梅人莫識雲成蒼狗畫難工何時同鼓  
登臨興覽秀城樓望不窮

葉 月 甌縣人梅花村農詩

信豐道上四首

牽確分岐路山巔與水涯千峰轉不盡九折險何誇殘鴈未  
經雪天桃已放花炎方風景異早覺見春華

一頓逼青漢行來疑步虛巖腰架僧舍樹杪出藍窠鳥道叢  
篁裏猿聲落日初看他負戴者登頓自徐徐

巨石劈幽峽奔泉響急流潺湲頻入耳清碧幾經眸野碓春  
雲緩村煙帶雨潤泥途行不得林際又鳴鳩

人家深崕裏向背護疎籬矮屋重茆縛危橋一木支田園應  
自樂婦女各相攜歎愧風塵客星星念美絲

桃江春泛同次裴素我

桃江江水清且漣桃江縹緲山城邊兩岫樓臺分向背千峰  
螺黛映晴川春風吹起波如縠蕩漾還同鴨頭綠榕陰柳暗  
三月天紛紛水嬉兼江曲載得茗椀共琴罇一棹輕搖破浪  
痕不向人家停桂漿愛隨鷗鷺泊雲根岸草汀花堪領略酒  
殘詩筒意隨各纜呼銀鹿麋初傾葡桃香透分杯杓痛飲高  
歌日幾回生漣爛醉真疑猜興來幾恨題牋短吟就何勞擊  
鉢催看漸水面輕過延殘陽落處舍山紫款乃一聲歸路昏

新月依微照江汜人生良會安能期三萬六千去何馳况復聚散不可知我輩行樂須及時

初夏客信豐漫興四首

纔送春歸麥又秋日長官閣話朋儔明朝載酒看山去好趁乘江作勝遊

瘦筇何處撥晴雲一逕南山竹樹分  
寒裏荒塚遍行人偏說呂公墳  
南山有宋呂汲公墓

挹翠曾傳恣檻好跳珠那見石泉奇當年亭閣今何在長短

三餘幾闕詞

署中舊傳有挹翠閣跳珠亭見定趙介之詞

一山恍江流碧流家家傍岸結低樓無端連夜黃梅雨時有

灘聲到枕頭

遊南山金文寺復登山頂跳覽得一百八十字

南野度之南重山勢連絡千疊萬疊峰選勝足安托曰維有南山綿亘近附郭暇日發清興藤條手自握行行約里許一逕入幽壑時當孟夏初綠陰圍如幕磽田茂禾黍長林喧鼠雀荒僻人踪滅欹斜佛屋著香積侵苔蘚鐘魚聽寥落老衲頻指點兵火遭殘缺叶想當興國時棟宇自宏擴小憩坐移時茶罷興復作捫蘿尋石磴藤刺冑巾角側路登山脊心胸忽開拓山城亦蜿蜒井里何雜錯俯視桃枝江環繞如帶縛四顧列羣峰芙蓉清如削何時御天風恣遊駕鸞鶴



陳言吉

南昌人解元內閣中書

贈黃耕山 有序

余僻處西山之西聞耕山先生大名久矣繼讀長公方水試牘爲之擊節稱賞但不知即屬喬梓也適至桃江得聞學使劉介菴先生度州博學宏詞試卷三黃高錄賦追漢魏詩軼宋唐更服次公兩田筆力古健如知學使着山才之目非阿好也因賦巴詞用誌仰止

桃江山水鬱而古蛇

磅礴互吞吐清淑蟠結幾千穉蒸爲

雲物孕霖雨江夏才

原無雙我昔聞聲首已頰學窮二酉

富三都壁壘森然肅

伍海上釣鰲意氣雄金臺浮名視如

土歸來三徑足松菊趨庭寧肯問阿堵珠泉萬斛軼與轍明允老氣橫秋浦太史暗索得沈宋眉山之評照庭戶嗟我西江丁陽九廬陵南豐嘆絕縷望君喬梓振宗盟樹幟中原揚旂鼓予雖那蓼奉盤匜欣從周旋螳臂努豫章自昔推涪翁後先輝映追芳矩

朱鳳英

南昌人進士給事中雲南迤西道

秋日寄贈黃雷畦前輩

江練劈開天一線晴雷怒劃馳金電結茅叢桂隱巖阿名可  
得聞身勿見憶昔初蜚翼序聲萬象縷刻纖毫呈圓光道子  
龍眠畫繪駿將軍霹靂驚元氣爲爐意爲冶經營慘澹疑天

成碧濤刺手鯨牙拔盪漱銀河星斗橫章水鴻名三十載飛  
翰膺薦延公卿晚躡天根探月窟心泰河洛詣元精著書緘  
鎖不肯出幅巾藜杖形神清我從近昔訪虔南鍾靈毓秀何  
班班易堂魏子多著述廬陵風格氣眉山伯季同時皆萃律  
駢麗詩歌各擅一數學天人邱老精詞旨蒼涼姚叟茁清響  
難嗣數十年作者惟公實比肩名材豈合老泉石匠郭咨嗟  
久棄捐竒文奧字挾雲章令子來瞻上國光諮詢道履尚矍  
鑠氣接霄漢身昂藏香山九十九峰青龍嶺珠光照夜熒石  
蓮仙草何芳馨玉環桃花薦醪醕道遠巖壑無畦町編簡群  
授心安寧控峒山高灘水停飛舟上下如五星願為元鶴長  
修翎啄公冰玉凌蒼冥秋過炎天赤日停

張嘉理 吳江人

石畦重過漱署喜而賦贈

從來名下本無虛何幸垂青慰索居雪案共裁遊于賦寒燈  
分校古人書文章不待江山助兵火偏憐故舊餘殘缺吳編  
思借楚長虹橋畔望停車 吾先亦有修  
志之舉故云

朱國蘭 新安人

夏五信城喜晤石畦

桃江來二仲風雨係吾思論古書千卷懷人酒一卮翩翩  
俗韻落落負竒姿叔度風流邈於今睹羽儀

朱淳 南昌人

前題

茂先博物修虔志  
兔苑群英接踵至  
就中江夏稱三黃  
君之磊落英多更  
拔萃叔度汪汪千  
頃波力能扛鼎挽  
六河掌中粟米畢  
公事龍跳虎卧發  
浩歌發浩歌投贈  
多石鼓岫嶮堪摩  
挲淳意氣時欲凌  
山阿飛煙絕壁登  
陂陀爲言家園有  
真樂圖畫一幅耽  
吟哦眼前紛紛奚  
足數置身直欲高  
千古眉山佳話舊  
標題穎濱才名舌  
欲吐讀書四樂味  
考亭光風霽月桃  
江塢底事告人知  
者難心口喃喃自  
相語鶴言石蹟非  
所期樹幟范壇建  
旗鼓會須筆札給  
上方豈徒抱膝吟  
梁父

黃彬 邑人有傳

劉婆井

刺山飛錫幾經年  
一掬澄波滌俗緣  
夜氣清分仙掌露  
春雲浮動墨池烟  
味甘不覺婆心苦  
源遠還疑地脈穿  
傳說僧仙多幻蹟  
空餘明月映寒泉

來星閣落成

畫閣凌雲起群峯  
翠五星藍波開玉  
鑑翠嶂列雲屏地  
峻天垂蓋窓虛月  
滿亭春風來燕賀  
川岳永鍾靈

梅花村

隔水栽花自一村  
寒英遠照月黃昏  
曾隨臘雪開庾嶺  
不逐

春花衍狄門玉樹亭亭環葦屋  
烟漠漠拂冰魂流芳正喜  
藍波迥短檣相尋泛酒罇

俞世沛 邑人舉人

### 芙蓉巖

瀑界天山碧溪迴路忽分秋聲  
兩岸葉暮色萬重雲野鶴同  
僧靜閒花浣俗氛禡畊應有待  
清興發微曛

黃文汾 邑人有傳

### 香山寺

穿雲行鳥道拾屐步禪堂日轉  
松稍上陰移澗水傍微風生  
遠壑清磬出高墻欲把諸峰數  
誰能九九詳

### 寒食日溯烏漾灘

滿江鳴戰鼓匹練走懸灘石上  
流泉易人間行路難漲來三  
月迅鑿憶五丁殘不避垂堂戒  
危途食正寒

### 鈇石巖

鑄劍飛騰山岳裂此石不煉稜  
利質水府龍宮戲游魚蛟人  
冰腫羞白日笑語閔血靈晦冥  
步怯巖幽窺正密攀援爪折  
三五餘擊潭恐怒老蛟叱波平  
碧綠靜無紋倒影杳靄黯岸  
聳忽有老人倚懸崖青牛飼草  
不相失問之不答笑不起疑  
聳袒腹捫蟻虱側身下洞過謁  
廟神色蒼古鱗甲出金童侍  
立猶白皙玉女手織眸點漆折  
足鼎歌南北東敗皮鼓分五

六七門外楓人半倚牆簷間瓦雀爭投室羊馬渡頭風正疾  
項裏黑捲雲奔逸霹靂橫空來原野神鞭欲吸水精栗怒石  
噓塵欲看人歸徑蟲吟聲唧唧

黃文澍邑人有傳

### 登覽秀亭

楚雲越嶠接蒼涼萬宰城頭

城為宋邑令萬億所築

照夕陽南鴈幾時

歸北塞東流何日赴西荒征車莫為昆邪泣詞賦誰工得意  
揚寂寞戍樓烏足長消沉隱約見飛黃

### 重九登南山

清歲已對菊花深乘興還來上翠嶺山影入天窮碧漢鴈聲  
橫浦極烟霏美人寂寂懷空谷華髮鬢鬢倚落暉最是登臨  
增悵望寒砧風急逼林扉

### 坐鷓公山

空山獨古寺入夏絕清涼問酒無邨市彈琴有夕陽僧盃歸  
鳥道牧笛下羊腸每擬出山路愁看日正黃

### 五月初三夜泊龍下張公廟

廟食蛟龍氣枯查倚野航天暝青嶂合江沒太陽荒令節思  
兒女輕鷗羨頡頏灘聲何太急永夜吼雷破

### 晚泊崇先月光園

晚江猶寂寞坐燃鬢毛頰帆落夕陽下天旋換柁間相看新

月迥獨對此身閒  
破悶還須酒空懷  
半掬慳

和劉明府來星閣餞別贛縣張明府

車徒曉發桃江涘  
秋風漾漾吹蘅芷  
使君送客何翩翩  
山城童叟還相視  
傑閣高高載酒臨  
驪歌別管入遙岑  
使君惜別見古人  
丈夫行役何足論  
相期許國惟一  
身同官祖道豈無言  
把酒聊復盡一觴  
賓主相看俱異鄉  
天涯何處尋知己  
登高臨水長相望  
河梁行李客已去  
遙帆明滅在斜陽  
銀河耿耿長天瀉  
古樹荒臺飛鳥下  
千秋總是勞勞者

九日登武龍山最高亭

古最高亭在縣東  
龍山此地又名同  
江聲直向夕陽裏  
秋色遙分天漢中  
雲斷鴈來砂磧遠  
月留人醉菊花叢  
狂歌記得當年事  
尤喜今無落帽風

遊穀山

竹兜嘔啞出唧嘈  
環眺蒼茫首自搔  
雲捲峰頭天勢近  
日開林脚地形高  
更攀薜荔競猿臂  
直上崔嵬跨鶴尻  
適志聊爲偕惠遠  
坐疑身世一鴻毛

此日經過數已三  
老翁下闈似曾參  
雲端玉溜通香積  
殿後峯尖土蔟藍  
卓錫已驚蓬島鶴  
安禪應制毒龍潭  
名山漫羨僧多占  
千載空慙吾道南

次穀山道中

予于沿西溪霧釋嵐光翠望山山不遠入山山未是上界空  
靈根浮玉勢無比

石倉志謂穀山望之如浮倉玉

茫茫問前修古今幾人至

同為逆旅人已至還復去焉策東海鞭孰挽五丁臂鑿此玉

芙蓉力負不辭瘁應雖寶復開再引仙靈繩

俗傳岩有一寶出穀僧嫌其小

鑿而大之寶遂塞穀不復出

籃筍眺蒼黃偈仄尚復悖

雪溪乘竹兜謂下視心怖如我

臂化猿攀躋有遐思

下學及題仙濟巖壁

並嫌此入雲風不定紫茵倚天多黃葉剝地騰懸崖作

當年車失喜今無芙蓉灼灼開塵埃跡已整窳窳復閣施下

盤余天藪中霑漉來我若紫蛙瑩仙入浴瑤草石犬常階

層光凌斗牛陳蔭翳蛟龍溟艷艷葉仙姝繡衣羅石登顧盼

生微妍巧倩澄秋凝叱此靈寶開我今呼欲應村女插仙花

嫣然拜祈孕已繫滴乳珠

婦女祈子者以綫縛石乳有水珠云即得男

更穿出雲

徑岩頂有仙女坐化處諸人懼險而諸女郎累累出岩上

還笑老生迂攀躋畏險嗟我

賞退之辨重駭覺癡悽妖幻叱狐狸恍惚迷山徑俗謠言難

據行怪理莫凭秦橋吹漁鼓漢閣恣樵興願與諸同人細將

此事訂莫效金泉愚紀載事迂佞

次詠芙蓉巖

芙蓉倚碧空爛熳雲霞颭林影如簾籠綽約鬢絲新艷艷當

窓牖規規翠眉染我擬凌波人冉冉出菡萏

次詠出穀巖

昔傳山下田其穀實穎粟

九域志南陔西陔穀獨嘉收田曰穀田水曰穀水因以名山

令群兒愚遂云崑出林北廩應天倉

石倉志邑西有穀山北有廩山因名信豐云

積膚芬且飶我尋穀水源雲蒸甑腹失仙人爛青精呼之老肯出

次詠仙人坪

群仙會當見吹笙各妙指我從王喬來翛然落松子問渠近如何桑田竟如此

次詠叢桂巖

秋林已霍靡鬱鬱叢巖桂天香月下飄金粟洞中級聽鐘吹

歌鳴峻嶒石齒礪淮南不見招睇睨隔久世

次詠羅漢井

寶月當唐詩

唐寶月禪師說法于此寺因名

圓極疑在漢

圓極禪師于漢時挂錫于此鑿此泉

卓錫開玉泉彼時天花散半空起天矯界天落珠爛石龍袒肩腹玉女捧匱盤蜿蜒到人間曲曲迴千幹

次詠鸚鵡石

點頭詎有情化為鸚鵡石記取多心經非戀盃中粒不向羶山飛長此山頭立我來對汝言屐齒蒼苔濕

紀遊穀山及仙濟巖

穀山高峙穀水下北流城西一溪瀉長春日靜洞門深玉浮



蒼碧古南野昔年北地嘗為主

暄莊自謂昔為此山主人

今日松門忽來

也併報逢門一紙書拜命瞳莊手相把高秋八月十有八雲

間先生已叱馬我行故遲杖無錢隨亦蹇步勞腿踝老學樵

夫作緣磴場中脚色從聊且惟喜穀麓見年豐翻禾布野積

如梁低雲下山峰欲動高泉出樹晴雨灑佛頭螺青剝削天

楓葉丹黃復如赭重來不見舊題詩于今潘岳長篇寫夜坐

譚禪聽法鼓句句寫生入大雅鞭筮各自具鑪錘造化隨形

赴陶冶樗師饒有遠公致公子翩翩酌玉斝夜見靈光欲吟

月晝入太陰龍翻開我擬騰化入高真王生携我杖不舍愁

此更覓嶺頭路山僧亦此迷雲邏崎嶇攀躋出山根恨足不

化鶴為跨仙濟巖頭紫氣高鐵精煉就成佛厦千霄複閣開

玉房水作珠簾珉作瓦越女乘風駕紫車

岩中祀仙女云昔南淮烏遲葉氏文

齊而不言年十六忽告辭父母乘雲至此坐化

芳年二八腰嫋嫋籐蘿蒙茸繡裙花

秦帔漢髻飛瓊婉于今巖下艷芙蓉想像朱顏綠髮鞞日差

無窮求福人長裙小步姑呼姐上巖幾度作嬌怯下聞天上

鶯聲啾

予輩方坐岩中而諸女郎蓮步輕促綠石壁走岩頂語聲婉轉恍聞雲中仙子音韻

白鶴飛去

不復還蟠桃幾熟青枝撈劉郎昔入天台去仙姝千歲今亦

寡我到上方還復上獨上峰頂足如搔渺渺一望秋山空徘徊

無語默如啞仰首斗闔開天宮倏忽雲烟徧山坳石苔紫

翠多靈葩攀折聊將兩手撿歸來三宿寶月林三更月上轉

車輶朝辭躍師取歸路竹杖逶迤下山埭回首山頭雲似銀  
撐立一瓣青蓮朶隔溪有鹿呼人跡洞天依舊雲深瑱  
俞嘉哲 邑人舉人

梅花村

東郊探野色幽徑傍漁津白奪霜天景香舍物外春生來  
玉骨愛伴草廬人逸興年年是呼朋洗酌頻

和明府張澹仙先生招遊紅葉岬元韻

江城秋色落江東亂點丹黃映碧空風勁正看凋夏綠霜摧  
翻欲闢春紅無花照眼心偏醉有徑停 畫未工放棹人如  
仙境去桃源宛向市纏通

黃洪生 邑人有傳

將軍寨

地占長楊勢營屯細柳師萬山環鍊壘一水繞湯池樹影高  
牙動灘聲戰馬馳到今人已去空剩草花孳

照鏡石

可是軒轅舊日遊菱花鑄就半山留影沉潭底魚鷺避光灼  
林間鳥畏投暗去因埋雲共霧明來直射斗和牛天然不用  
溫臺架日日長江照客舟

黃文沅 邑人著素軒集

下烏漾灘

數來灘十八一路鎖桃江最險惟茲獨餘者未可雙雄風高  
駕浪怒馬下飛瀧船疾憑操舵無勞衆力扛

上烏漾灘

天險存烏漾桃源巨壑封空雲舟一葉凌雪浪千重欲看三  
槁擁先驚萬石衝風波休道惡滌盪快心胸

傅 璋 邑人舉人

遊松梵菴

客來精舍裏花影一簾輕滿院松濤響諸天梵唄清詩憑幽  
鳥和茶謝老僧烹何日携良友熏敲黑子枰

吳之章 長寧人著泛梗集

留別黃養珣培山昆季

昔與太邱交元方甫弱冠咄咄已逼人重見富詞翰別來不  
數年季方亦偉岬靜穆如和風吐詞驚浩瀚余時登君堂二  
難侍几案對之鄙吝消隱隱暗稱嘆雖忝丈人行實愧濤中  
斷捫懷無一堪白髮光陵亂回首健兒時豈屑騎款段寧知  
即羲馭快意不及按若翁無半百花萼互絢爛昆季鯉庭趨  
淵源傳一貫努力祖生鞭揚鑣日未旰余屬通家誼相眎非  
河漢願言拭老眼雲霄可佇看

饒維達 邑人著敬學堂集

過楠木峽

峽氣何蕭森，峽水何清冽。危石齒齒生，朔風凍不折。亭午片雲飛，空中疑欲雪。微雨拂面來，兩脚忙成跌。如何道阻長，行人不肯輟。我欲問楊朱，岐路何曾絕。

下重灘

舟行如駿馬，瞬息下重灘。水鳥長依石，川雲冷入冠。權翻孤日落，波撼萬峰寒。不盡滄浪興，長吟羨釣竿。

萬

藻 臨川人拔貢

送黃培山歸省觀

交道日難言，如君誠不愧。非我敢援君，實君不我棄。憶昔感知己，厥歲在丁未。學使按江州，門墻我幸厠。與君同周旋，賢豪凡幾輩。聚散雖無常，連床風雨對。共尋孔顏樂，商量朱陸異。君旋貢成均，我猶逐末隊。秋闈別章江，落解同一涕。捧檄赴京華，喜君魁廷試。未肯營薄祿，門執大賢贄。摩厲以須之，直掇燕臺柱。長風慳南宮，暫輟九萬翅。新逢聖天子，曲江進士賜夏階。覲天顏，春官共爾位。嗟予浪出遊，竊快有所倚。果不忘舊交，一見而歔歔。冰俸曾幾何，倒橐每分惠。割糴以相贈，解衣以相衣。筆墨日往還，廉隅時砥礪。何處是他鄉，四海皆兄弟。孝思屢君懷，歸省驟援例。疇不羨登僊，丈夫須得志。遙知拜高堂，綵拖宮錦戲。花萼更聯芳，伯仲壘簾沸。二難蔚鳳毛，非復晉之穉。歡笑開長筵，天倫至樂地。獨念遠

遊人將何以爲計所幸司徒公好善而忘勢齒芬肯薦剡歸  
遠裝可治兩袖惟清風僅免悲濡滯祖道古所重搜枯織離  
思相逢又相別雲樹縈夢寐飛鴻或遺音雙鯉亦可寄後會  
知有期何必多感慨躊躇計未來訂君戊午歲東山豈久卧  
帝里鳴珂珮祖鞭我勉旃青蠅希附驥渴懷罔不領尊酒重  
把臂疏附而後先休明同鼓吹  
表曰修 新建人詹事府正詹

送黃培山乞假旋里

維容儀部冠諸曹內賜官袍稱錦袍歸騎路旁爭指點五雲  
紅襯馬蹄高

藉甚聲華滿

帝京承明猶待煩羣英

中大司馬以鴻博薦不就天街官

種垂楊柳只解繫青送客行

袖裏籠鞭五色絲北堂晝影繫離思籬邊歸去盈尊酒恰值  
黃花滿地時

八載論交意獨真風流儒雅見經綸清時聞道需賢急莫爲  
林泉久繫身

寂寞新秋淨遠暉我來初值雁南飛故園煩寄平安字爲道  
風塵未拂衣

曲驪歌祖帳開故人相送倒金杯憐余臥病秋風裏虛向  
長千首重回

方幸元 桐城人舉鴻博

黃培山南歸省親

拜命三旬出 帝畿西風浙浙憶親闈七年花夢梅千麗梅化

壩信豐 九勞魚依贛水肥不藉廩糜克仲秉且裁宮錦作萊

勝境 衣舟幸過處人爭羨叔度瓊林 賜其歸

郎官竊署名初重天子翹材館五開燕市郵車人徑去桃江

短棹劍歸來堂前上壽穀山酒膝下牽衣龍廣媒某笑羈樓

戀京國微書早晚定相催

山陰人禮部儀制司中

平菴假滿就職見示原韻

久識黃香獨冠曹名藩師傅謹邪蒿摩掌石鼓名殊噪燕集

燈毬第匪叨青被直時郎宿炯白雲飛處子心勞當年早有

雄文薦不奏河東賦更高

予告曾虛主客曹重來遙謝逕中蒿共深粉署征茅喜乍挹

汪陂麗澤叨詠物句佳防紙貴尋春車緩未薪勞拜郊臺下

花如海肯厭新豐酒價高

送黃平菴歸鄉讀禮

黃君西江彥蚤歲貢成均聲名動當路文彩剗國賓朱邸特

延聘師嚴無貴人江都辨義利越寧有三仁遂令漢河間風

雅殊恂恂於時開大科非君孰扶輪先達實推轂石渠擬首

檢君曰未能信趨避何後巡不願躡等進祇愛恒塗遵  
與曲江連蹈秩及春職授主客曹雲望章貢濱決然請  
寢門奉昏晨陔蘭朝日和圃葵夕月新督耕還讀書所樂在  
天倫賤子頃承乏少武屬後塵已慕叔度陂莫接孝若茵聞  
有高堂勸椽養情欲申南宮踐前職乃得笑語親聚首一載  
餘相賞淡而真忽傳萱帷故素車走駢駢義本無可留送君  
傷我神音塵日以遠鄙吝消無因努力慎自愛長途節悲辛  
會看豐城劍躍出延平津

黃 詔會昌人拔貢

懷平菴弟

鏡別容臺不計春天南歸去爲娛親山閣翠擁松髯綠嶺  
風迴鶴性馴百粵柳楠勞斲削一門著作自精神懷來無限  
相思處草長池塘入夢頻

都亭憶別話喁喁飄泊何緣得再逢慚說廿年仍潦倒杏無  
尺素恕疎慵叢蘭想自春初長喬木知從雨後穠向日鍾離  
勞剌劃及今清韻轉春容

葉文燾 陽山人

贈桂涯游明府

大率儒而吏詩書氣味多慈真同父母性每界清和且  
江錦風香穀嶺禾政聲誰卓魯此志已巖阿

春日遊獅子林

愛作遊方客看看獅子林人誰非幻境我獨抱微吟古樹無  
花意春風滋草心百年曾幾瞬悔不入山深

全日遊大悲閣

逸興莫能竟山前更有山須知歡喜地原在即離間野放城  
居濶人分佛閣香時常煨芋好一醉駐春顏

謝

昌樂安人舉人著有然葉堂集

寄懷黃一峯

歲暮遊子歸

謂原亦群

遺我一端綺中有故人書發讀淚盈紙相

去千里餘愛我如毛裏上言別離苦中言閔凶厲

時有詩章之屬三

款有餘音摧絕肝腸瘁豈無百身贖未能一死繼鮮民此偷  
活妄使蓼莪廢九鼎愛絲髮珍重故人字人生知己難一  
殊足矣

歲月良不居秋杪冬涉旬昔為膠與漆今為參與辰行樂已  
及週往事難重陳君趣一何甘我趣一何辛同是風中花我  
爾君獨茵榮名慎相寶修此蟾兔輪世貴策高足車馬羅里  
仲尼豈不聖常負喪家嘆努力事華實鑒我遊惰民

溫

序寧都人著西堂集

會城晤黃大一峯

彈指流光歲易更交歡猶是十年情文章到底退三舍詞賦



居然作五丁不有清河為愛弟安知瘞護是難兄故人相見  
都無恙腸斷要離宿艸生

予因令弟仙梯二兄始與大兄定交今二兄沒已三年矣

黃培山儀部丁內艱歸里授徒南康喜值有贈

黃香聲與動長安藥榜爭將姓字看書債三傳酬歎早

尊大父尊

前翁為吾鄉名宿皆困場屋

鵬程萬里到非難中朝典制儀曹備方策較

讐禁苑寬勳業文章兩焜耀可知當代有歐韓

章貢天昏隕婺星南轅返後此傳經蓼莪門下詩應廢絲竹  
堂前樂且停已分逃名甘濩落何堪巫老歎飄零故人邂逅  
暮江上忘隔雲泥話草亭

吳湘臬 會昌人溧水知縣

江寧送黃一峯脣薦入都

換天才應黃金詔九十九峯踞上頭手不落時此五鳳目於

何處是全牛喜聽沈宋分軒輕好整衣冠拜冕旒我取長亭

楊柳汁宮袍染就送行舟

烟花明處酒頻斟白鷺洲前一刺金春纜驟牽離別慶雲箋

難寫去留心據鞍似覺雄猶在見獵依然喜不禁但恨身無

傅天翼隨君飛入五雲深

談苑 新建人舉人

九十九峯歌

章貢之難流淙淙東峙天竺南崆峒過客一帆秋江渺環山

倒插水晶宮上有香山出其右  
削劣奔騰形蚶蟻風雲天半  
弄高寒飛駐羣峯九十九義  
仍嘗夢得異香家在山前即上  
方先生坐領此中趣結砢英多  
誰比量忽見瑤鑄情短短如  
登九十九峯峭一聲高唱入雲霄  
九十九峯齊欲小我來結  
伴過僑居雅似澧蘭與江蘺大  
儒胸次殊灑落事功寧止文  
章為道德經猷原一理運際昌  
明賡喜起海底珊瑚鏡網收  
千秋一日良有以詞壇直踞泰  
華豪羣峰首肯一峰高轉瞬  
扶搖風九萬崇朝霖雨沛次瀛

黃天策

邑人

弔呂汲公墓

山鬼然疑路險難當年懷古淚  
闌珊故封蟻鼠神悽慘遺厓  
笑龍事渺漫荒堞雲沉宰樹暗  
空山雨落墓門寒斜陽野寺  
蕭蕭晚徒倚蒼茫弔碧巖

力與熙豐激後塵昂昂元宰負  
宣仁反顏性謫潑相陷佇目  
思衰枉後親謫地遞移千萬里  
還期虛付二三春莫論底事  
虔州去要與青山重逐臣

旅櫬空餘付草萊雲橫秦嶺路  
難回鬼誅定指溫公續客死  
應同元考哀象杳是靈悲故事  
多高端禮記渠魁丰標獸羨  
身孤挺中立無曾植黨來

社飯寧忘涕泗垂一番別用歎  
移時空教魑魅逢人喜長恨

遺失路悲秋月汶川森夜戍春渠永壽咭流漸荒郊亦幸  
留遺蹟萬古衣冠照版碑

寶塔

飄零金粉劫燒寒一氣空凌蠖螻端春迴輪低迷白鶴秋暝  
譚靜護玄鰻真搜足可窮睇盼披拂應疑化羽翰不信日邊  
如湧出人家孤影晝迷漫

劉婆井

片泥不救桑榆瘠神漢朝隨八環警菩薩霹靂下天空一掬  
人傳神異境我來解衣散煩蒸尺咫澄鮮迴千頃臨流漱飲  
手連杯勢急長鯨奔壑猛山絕村益雜童媪趾踵交錯散餘

緩西然一勺沁肺肝咯咯胃喉忘宿顛濠濮滄浪趣寄深風  
未何殊暫時領腹滿河干豈易歎髮濯湯谷堪共遲擬續茶  
經定等差屠門一過真何幸不及頻頻載杓過竹符止借居

民秉思昔三昧適遊戲卓錫聊從娛暮景地禎乃復護精爽

寒泉永堪堂封影

媪墓在井旁

潮汐年年遞消長古月無波自澄

靜甃旁最美幾人家厨竈斜通入缶皿遊人弔古恣清狂竹  
槁夕照紛馳騁參寥羅漢或名泉師可讓善跡深屏泉涌舍  
側直比烈焦婆楊妃安足併蒼碑滅沒摹難全瓊月如元露  
華冷

照鏡石

一氣毓圖核劃劈倚山鳩鴻濛渾未開顏色自太古圖旋誰  
度規派張儼承弣園巧出天甄鑿痕泯鬼斧鵲飛豈半存龍  
蟠欲變柱芙蓉聞著名菱葉說傳譜意是古壽光七寶會成  
聚寶工軒轅將鑄鼓丹汞挹飛精火齊煉玄乳景曜奪  
天鏡圓靈法乾宇初拭玄錫寒微澣玉水嫵英華集川嶽寶  
怪鎮山滸鸞凰妖孃盤鳥獸倉皇瘦茫茫閱太墟無言耀榛  
莽造化流不息軸若手翻縷山中無甲乙長曆紀蘄杜神物  
有替運驟至迫莽鹵乘化苦難爭力盡空自努光融蝕風雲  
爲魄沈煙雨抱此千劫春一朝失藻黼水妃暗胎息金質變  
展初夾日碧光潛燭水絳烟節篋匣十三重海陵成破甓清  
輝還空虛紫瓊疑見取負局無人來荒岸爲塵撫靈藥宛飛  
去仙翁久化羽至今林樾間黯淡森荒堵恍惚嫦娥宮魄死  
戶堅敷森森百尺僵玉盃著泥土復似玉女盆倒掛依岸岫  
鏤花帶塵腥魂返失珙珙金錯無餘妍銀華非舊婢承食故  
未便覆卮弗爲替難邀海鳥鳴不照山雞舞將母袁彥伯照  
明疲屢覩我聞蜀妃瑩立石表封樹傷心葬玉顏來遊感杜  
甫又聞月林國百里鑿六腑飛仙留妙蹟鑑影起噢咻茲山  
胡爲哉塵窟闇蠡午迢迢野水餘我來鳴緩艣峰靜霧初收  
山空月微吐攜屐期往還行跡雜樵豎浩浩四天青元氣灑  
無主蒼朴質獨完頑醜殊媚斌余衷古井泉湛淨涵昭昨相

對寫胸懷默照兩情始悠悠萬古心質証堪仰逸空谷自岑  
寂古意撲着撫舉酒動狂歌駭浪生前浦佳趣愜幽探餘興  
鏡可賈寄語向山靈葆真安樸魯

響石 有序

石不能言昔已聞諸子楚谷之善象今或托于橫渠雖  
微以蹄輪似爲虛誕而證之圖乘歷有傳聞梅尉丹房  
谿畔夙名頽洞霍童石室峰前舊說聆咳應舟子之呼  
淳安壁峭答遊人之語碧玉岫雙篇章則于頓崔顥曾  
傳文獻更能始斗津有作蓋山川瓌異難概以耳目之  
不經而造化靈奇何必盡宇宙所恒有傳其荒怪鳥足

驚疑冷落空山或草木之翳蔽迷茫曠劫亦陵谷爲沈  
埋要理固有然而景原足述登高振袂不禁韻與交飛  
望遠興懷想見哮之欲出答聲聞于寥廓風送颺流隨  
音韵以悠揚天空籟遠鼓吹昌國何止鳴借雨風琴奏  
真寧豈第聲浮烟月已哉破茲岑寂被以謳吟塵外賞  
音幸托韓陵共語虛中善應亦隨巴里循聲云

寂感無端妙化纖虛無荒怪碧雲尖傳聞世緬遺縱艷語笑  
人欣觀面慰漫想神靈通氣核固知空洞落霄鈴昇平歌祝  
山陬遠萬歲應呼答問關

嶺犖龍平山外山誰將妙語發天慳得來嗒爾渾忘象答處

杳然倍解顏語默拚超喧寂外于喝宛在有無間天驚振袂  
橫秋雨足商神工耐冥頑

棋岳別岫跡空遺響答爭傳似建溪六竅已夷忘渾沌萬吹  
隨感發天倪幾番人靜空青首無限雲深古韵迷百五二音  
微地籟未應皇極隨筌蹄

百尺烟霞接鏡輪歡呼相答藹紛綸雲邊語和疑天籟世外  
聲傳託谷神巖溯武康分大小峰追寧德互嶙峋同聲想見  
參差應鳴扣無虛自大鈞

黃世成 邑人著平菴集

白雲阿

何處白雲阿香藹南山曲時見白雲來映此青林麓林花發  
無時果熟鳥常知白雲行不盡幽處採山芝

南山釣臺

名同巖瀨蹟應如欲向投竿未結廬蘆雁宿時秋月冷飄雲  
移去暮山虛由來磻叟非垂釣豈效莊生獨羨魚汨汨江聲  
流不住長鱗捲浪入天渠

信豐風土

家住何鄉國桃源顛上行西南山倚郭東北水浮城戶有唐  
朝籍人皆中夏聲先明遺舊諺呼作小南京  
灘石崢嶸怒舟從烏浴回三橋水面臥千堞鏡中來古輪

作書鼎志

卷之十五

四

天半青山擁縣隈漢時南埜地文物到今推

山水明櫻閣煙嵐映疊重玉交梅作壩碧峙嶺名松祖廟家  
家重歌筵處處逢南村春事早桃李發溪冬

桃夢雙流夾人煙聚水東魚鹽綠粵集木筏向吳通望郭知  
民信聞山識地豐邑有民信門及穀山廩山從來俗直樸惠化易為功

### 上桃江

一水多曲折巨石邊相凸風帆上急湍挺篙看柁拔天旋四  
山中圍繞如靛澀遙峰忽閒豁煙光見明滅陰雲屯朔吹天  
忽正欲雪舟中擁火坐寒涕下隆準視彼弄舟人立水骨欲  
牽纜遊前行誰憐指頭結

往江南赴望溪先生喪得家書及游明府柬兼抄示署  
藩司驛鹽道李公贛南道蘓公檄時巡撫阿公欽以經  
學薦敦趨余歸感而成詠

上官真有愛才心日夜徵書降故林小艇江南帆未轉春風  
嶺北夢徒深百年何意煩三聘一札誠然抵萬金欲倩慇懃  
賢父母為言無事濫華簪

寂寞寒窓編一經片言詎敢獻明庭職當賦故埋名姓學愧  
巖廊補政刑不謂飛函來下里直將趨駕到居停回輪好向  
洪都謝底舍還看山色青

### 下灘

信豐縣志卷之十五

休愁亂石積江中長礙行舟惱舵工但得長年稱好手灘聲處疾如風

上灘

曾說江湖行路難風帆日日赴長安入山縱有蛇行路何似江湖足嶮湍

黃占鰲 邑人進士

遊七里東華菴

性癖少交游頗愛尋巖谷縱步越河干翹瞻彼旱麓穿徑得招提東華額題屋穀山映蒼翠桃水泐冷淥灘聲聽瀑浚花園送芳馥蔽日藉林陰乘風盼帆舳煮茗有清泉疑可彷彿

菊 菴後山穴出泉可汲人謂仙泉 乍看隻履形詎是鳧棲宿 石有步痕風有仙跡 此僻

塵囂遠偶爾隨僧粥曰聊可與聚不奈思翬翬久為俗慮摩悔不此誦讀豈希鸞鶴驂爰處擬過軸期後有碩人于斯養白鹿

信豐縣志卷之十五終 藝文四

信豐縣志 卷之十五 藝文四



信豐縣志續編

藝文志四

詩

劉錫瓚 邑令

留別貢士熊獻周

執掌紛紛事拊循才疏上理未能臻六年報最無三異千里  
言歸止一身玉笋銀缸消永夜青山白水度芳辰臨岐握手  
無他囑表率還應化俗淳

潘汝炯 邑令

登覽秀亭

屏輿登山城山色莽迴互覽秀亭已荒遺趾緬猶故綿武表  
層巒餘峰左右護釜覆兼笏排鳴蹲忽虎步灘聲自南來直  
下七里渡亂石鼓危湍毋乃馮夷怒城中萬人家耕作皆安  
堵邑號小金陵所蘄貞百度登臨師倥佷莫嘆風塵誤落葉  
滿桃江暝色寒鴉赴遙望鬱孤臺蒼蒼隔煙霧

魏攀龍邑令

章門寄信豐熊獻周年丈

學未能優荷 主恩一行作吏寄章門專城任重肩難息報  
國心殷手自捫循跡素慚稱父母宦囊誰見享兒孫風攜兩  
袖尋三徑質證齋峰直道存

李

霽教諭

留別桃江老友暨諸同學 十咏之五

漫索離腸寫寸箋記來此地十餘年拈毫不惜頭皮瘦撫鏡  
還存骨相堅自分疎慵漸報効肯圖升斗故遷延諸君莫笑  
投籌晚久賦淵明歸去篇

魯企宮牆結構新工程未了幾途巡多年決策空勞夢此後  
曾華可費神濬鑿先聲推四傑經營提唱仗同寅登場漢子  
誠難事猶念前功若箇人

問宇當年話夙歡以文書屋幾盤桓清閒不厭頻來客澹泊  
仍爲本分官座有殘編堪醒倦厨無珍饗亦加餐瓜薑和點

青鹽豉可信儒生耐苦酸

纒整行裝謝學門此生心跡向誰論  
來時浪得閒官職歸去仍居處  
亡村幸荷天章光父母何心宦橐計  
兒孫多情一勾挑江水直送輕帆到故園

十年好友悵分歧繫纜官亭此去時  
醉我何心祖道酒離人莫唱渭城詩  
灘河屈折牽行客雲樹蒼茫憶舊知  
遙望南山夕照外幾回握手故遲遲

陶成南成翰林

送廬陵學博謝鳳西同年解組歸信豐

昔滯金臺共切磋今看雅化洽菁莪  
青原雨霽雲歸壑白鷺風清月點波  
閣倚先春迎瑞靄亭憑覽秀挹清和  
吾家亦有黃花酒晚節輸君燕樂多

廬明楷寧都翰林

送廬陵學博謝鳳西年伯歸里

特立冠蒼蕩超宗振羽儀儒官希往哲  
洛社想當時碑有清風頌囊餘白雪詞  
桃江多俊及企仰得經師

黃文汾已歲貢有傳

贈鳳西謝學博

莫逆相交四十秋憶君棘試寓南州  
荆波廟側攜樽酒孺子亭邊數釣舟  
森玉今看珠樹立合丹昔比謫僊儔  
廬陵歸去

信此真結 卷之五  
留光霽愧我虛生只白頭

黃 袁 邑歲貢有傳

過呂汲公墓憶張石里詩有歸塋君恩青史在故留疑

塚重齋叢句口占一絕

歸塋雖然史足接當時渴慕事猶存如何不遣齋叢重謂故  
留疑特過言

送潘明府之臨川 惜別行

惜別復惜別滿城何唧唧狀似嬰兒脫母懷慰以暫離猶淒  
咽交衢聚語語侯賢善政舉數不能悉我侯重愛文興詩應  
有文人爭珥筆誰知大雅觀者稀李杜韓歐自往哲泛然稱

道尋常間以頌我侯恐不屑憶侯來蒞下車時民離夏日親  
冬日儒者居心在惠人學術本之為治術僅臚瑣碎諸事端  
毋乃漏萬而挂一裳也謬叨文字知誠服天姿卓殊絕鑑衡  
辯論析精微玉壺皎皎當秋月茲言奉檄赴臨川此邑西江  
盛人物竚看紀侯德政碑不朽篇章世傳述

信豐塔

輿地及一統志俱載信豐石塔無影

不識何年肇建初九層高峻勢凌虛有形那得真無影可笑  
傳記盡信書

鐵鼓歌

非鐵非鼓是鼓是鐵欲扣鼓須扣佛扣鼓無聲佛不答扣鼓

書聲學用急一擊衆生解脫齊發妙耳門再擊一千二百五  
十沙門集如是更三通通通通入龍王宮龍宮開龍王來獻  
珊瑚呈玫瑰金沙銀草擁蓮臺天花燦爛落瑤階天女拂袖  
舞雙翅樓閣備現阿羅排祥雲紉縵桃水隈我歌嘽緩且莫  
嗔此鼓數百歲兮蒙塵埃

信豐竹枝詞四首

郭外春山似畫屏原頭晴日走娉婷東郊西陌無桑柘少婦  
凝妝愛踏青春

艾葉榴花貼翠翹女兒葛細賽鮫綃出城趁看龍船好半走  
東橋半北橋夏

穀熟家家保吉祥祈神端的要矜莊七姑拜了月姑拜又看  
阿郎拜九皇秋

看看歲暮了年華人在江南不憶家倚戶望歡歡不見門前  
晴日曬梅花冬

謝筆清再見

謁雙節祠

元政不綱賊氛惡紅巾蔓延恣屠掠十城九空大尹逃童叟  
飛散如烏鵲至元僉事搃賊巢冒雨夜行功焯爍箐簧固整  
亡命多此外無聞展方略卓哉行簡儒將風創立保伍籌帷  
幕教民習射賊巾巾破血淋賊驚愕倉卒蜂起擁墩臺二

行樂圖卷之五  
五  
樓上紛金柝城垣以內獲安  
城外蒼赤遭縛攫李君震  
怒不顧身身先士卒驅豺  
貉去城入山拯難民慘遇  
伏莽起陵壑須臾衆潰天  
昏冥民主身殲萬民哭先  
軫之元尚如生明日與尸  
自山谷尚書議邨聞於朝  
舉君嗣子代司牧敬公枕  
戈報父仇誓師浮橋怒飛  
瀑重收義旅戮鯨鯢國恩  
家難銘心腹何期中賊肆  
鴟張堵塞官路全軍覆哀  
哉民主相繼亡百姓奔喪  
如殞殯廉使請謚牒內臺  
節配九江文綺穀嘯嗟道  
梗不得申邦人祠祀酬撫  
鞠翠影藍光弔幽魂泣淚  
水傷千古目紛紛印綬盡  
專城誰似二公流芳馥數  
椽古廟南山雙節超超神  
穆穆

謁王文成公祠

末學入榛蕪蕩然失真性  
夫子提良知知行蘄並進  
拔本而塞源高論侷聲振  
撫虔掃妖氛講學砭心病  
實措獎劉潛駸駸悼俞慶  
何黃衍薪傳虔學由斯盛  
善山謹發端洛村尊主敬  
推演軼錢王流風被吾信  
回軍九連山父老壺漿迎  
過化想當年多士攀翹乘  
翠山藍水間旄鉞長輝映  
祠宇倚宮牆盼蠻隆報稱  
我來奉辦香升階希入聖  
聞見苦遮迷盤針何由定

王全仁 再見

京邸述懷十首之二

自別庭帟後重看斗柄回市人都怵舞遊子獨徘徊車馬長  
安道門間峽口隈恩深兩地濶心是舊時孩

春風花鳥變吾意總遲遲屋角三荆秀天邊一鴈馳懸旌爵  
客意醉月故園思樂事何年叙歸應對鐫髭

黃世成 邑進士禮部主事

贈江禮著宅相辭令歸里

一年墨綬領延津即告歸為自在身叩馬竟如強項令拂衣  
不作折腰人遺恩應繼中郎碣蔡邕嘗為酸棗令劉書保障  
猶蘇下澤民頭白史雲過婺如云胡我出愛俱貧

不戀天曹樂散僊朝衫掛體憶歸田驚防河決全酸棗時黃河水

於址城 獨全 愬免隄工減料錢候館自嫌牛馬走當途誰重虎羅

眠齋舟從向滄波泛第許相隨學計然

黃 裳 再見

贛城七夕詞

花簪茉莉晚粧宜正是相逢乞巧時細翦弓鞋聯對對當宵

趁送七姑祠郡中嚴事七姑神以七月七日為神誕期婦女多剪髮鞋挂神座左右

王捷甲 邑舉人有傳

建昌道中望廬山

近接西江第一峰匡廬真面未能逢車行山後來千里石擁  
岡頭護幾重繡殺青看紅杏關香籠且任白雲封何時共約

浮舟去坐我層巒聽古松

清泉亭

挈鏡旅邸意蕭然來試江洲第一泉  
活水融融清似鏡垂雲  
霧霽波於煙樓臺側入長江  
浸石嶺滿從平嶺懸坐此巖泉  
應滌盡曲欄斜倚共流連

過圃子墓道

近接江州境濂溪故蹟存  
楊柳森大道花鳥滿春園  
生意寔前草心傳樂處軒  
幾回興景慕風月已忘言

黃梅道中

輕車應硤先衝汀三楚  
嵐煙此下經五祖峰高雲出岫北平

路迥馬垂鈴黍苗誰愛甘棠舍

前同邑謝渭渠  
華此地著循聲

風月空餘俊

逸亭

梅邑有鮑參軍遺蹟

到此詩情應更遠黃梅雨滴麥波青

過柳下惠墓

墓碑橫古道遺直自千秋  
介豈三公易和當百世  
留惠風長柳下士壟重  
王頭樵採今猶未停車問  
宛州

過閔子故里

車過仰前賢孝哉閔子  
騫權門終不仕故里至今  
傳嶺北三千路江南二月  
天何當一樽酒瞻拜肅  
禳筵

過孟子廟

亞聖祠連鄒邑城公車  
乍過敬心生當年俎豆三  
遷里今日



似此百世情脉接尼山延墜緒功同禹鑿息爭鳴征夫從我行  
程急瞻拜無因肅楹楹

謝肇煥 邑投貢有傳

南安吟十首有序

向讀香山秦中吟十首直歌其事周詳明白自創一體  
古人無是也然讀賣炭翁鹽商婦等作亦直書其事而意自見  
所謂言者無罪聞者戒即工部新安吏乘老別等篇嗣音其辭質而切  
欲見之者易諭也秋杪余卧病在家偶閱縣志知信豐即古南安嘆今昔  
民情風土迥殊允宜勸誠因歌其事仿香山體標其

目序其意隨筆成篇篇無定句句無定字命為南安吟

南安縣 稽沿革也

南安縣大帝嘉禾啟花甸旋改南安曰南康永淳獨開東南  
面立今治所復舊名江南西道統轄便天寶元年曰信豐韓  
桐奏改嘉祥現北對廩山北豐年以此名縣荷天眷地居嶺  
表割封疆名號雖殊地不變南析百丈立龍南東析定南事  
營建四十一堡儼星羅既險閩粵威德遍今人不識古南安  
古今沿革稽史傳

翠藍交 美山川也

翠藍交樂觀亭即外風景饒芙蓉秀簇穀山頂江水源發

自冬桃凌空樹影嬌芳甸夾岸榕陰況碧濤雲草動搖競花

散鴨綠輝映螺青高十里煙嵐護城郭迴環縈抱達四郊

賦網濯纓痕莫辨佛頭鸞尾黛難描用王參政桃水蘭舟輕

泛穿石燈詩容吟哦逸致超楊學博詩中語據贛上游稱望邑山川

靈氣毓俊髦翠藍交地靈人傑樹芳標先正遺風今宛在山

色蒼蒼水迢迢

清華族 激庶姓也

清華族文學起家被章服堂構顯承俎豆馨奕禩猶貽君子

穀太史穎敏迥不羣狷介聲名振館閣黃其批殺錦衣一代

承伯請册東宮留諫牘斯僉事臨民務寬和希茗郡賢尹工

者作汝一門競爽最清華他族尤多吐芬馥御史劉友中丞

甘紫太守公王宗通判曹文審理俞德洪永春牧戴時前輩

均有幹濟才政蹟昭宣名卓卓旌德張松溪郭修遺愛傳

白雲講學庶能擢謝元許必鄧誠胡公李應竝聯翩歷數故

家仰芳躅桃江庶姓重本支百世崢嶸種蘭玉族大皆由子

孫賢蔚起人文膺多福積之厚者流自光允宗尤貴敦雍睦

花園坊 慨盛衰也

花園坊早春花發滿園香簇簇深紅石家帳川王參政東風

披拂釀晴光楊學博詩中語豔捧朱樓輝綠野瓊花烟雨畫圖彰劉

府詩河陽韻事看題柱為主領教青帝長府誌誰知甲第連

雲起欲保千年後嗣昌再往過之為墟矣藥欄籬架盡荒涼

花開花落無人問飛向隣家燕子忙花園坊舊時堂室今移

主盛衰誰有常君不見奉誠園原是馬家宅為君朗誦杏為

梁

日御僧 勸行善也

日御僧叅透禪關最上乘木譚元虛務實際心懷利濟力能

勝拱日門開瞰桃水水勢洶湧苦閩津嘉定樓圯民疾涉汝

誰叛復繼中丞甘厥初感為濟人計既而懈怠互遠巡橋火

轍道人自穀山至躬任募修志有恒測度經營彈心力不教

鞏固屋梁新募金不繼降仙女祈福捐貲感應神事載吾邑

三橋咸社有舊鼎峙平政嘉定橋舊東跨西來興慈應橋舊

二橋脩復賴僧轍力行善事格夫人方外猶堪任重遠況乎

孺行胡不樂善共歛承

煤炭船 防冒險也

煤炭船船身落水水連天十八灘頭冒險進浪花撲起蓬窓

前沉重如山舵難轉舟師林向石鏘穿然毫有差觸礁柯雲

時漂散如飛煙造一船萬一船破沒深洲慎悔嗒何及

貪得也徒然行險徵幸終非計須防中道忽棄捐何似輕舟

占利涉中流自在保萬全

鹽販子 導遠淳也

鹽販子慣弄鹽船泛春水肩挑絡繹自嶺南來到桃江渡七  
里日午蜂擁上之洲鹽入櫃中雪山峙熬鍋徹夜炭火青凝  
成白水淨渣滓萬篋歸船載滿艙順流開棹下龜尾豈無兵  
弁司緝梟敵關而過常邏迤買賤賣貴矜獲貨不恤身家干  
法紀吁嗟乎懋遷有無本良民漸染澆風竟如此何日返淳  
作農夫賣去鹽舟買良耜

採茶歌 誠虫氓也

採茶歌嘔啞嘈雜滅平和土音流傳自東粵村童裝扮作姑  
娥迴歷鄉閭導淫液迴眸一盼巧笑瑳紈綺子弟爭打采特  
盃謔浪肆摩挲可憐鐵石燕江口虫氓生計下煤窩滿面烟  
灰十指黑出看採茶也入魔辛苦得錢歡樂洒囊空歸去學  
得阿妹一聲嗚

鴉片烟 警酖毒也

鴉片烟鐵籤挑撥活火煎吹入咽喉熏心腎自言爽快醉中  
仙豈有詩情匹郊島見人寒瘦聳吟肩多少清揚婉孌子白  
晝息偃宵不眠南野自古民多慮此風昌熾起何年父老猶  
嗟少小樂競稱心法呂祖傳一兩烟幾串錢南門樓上結因  
緣良賤互親暱酖毒恣流連年深日久償烟債賣盡膏腴種

花田

中頭標 醒迷感也

中頭標六字齊全第一條標奴飛報人驚喜憑空得來意氣  
豪如賈干倍任揮洒萬人迷惑肆貪饕豢豈知點者設標廠迫  
逐六博進分曹無底囊歛金錢入不爭雌雄不貴梟庶人之  
愚墮其術日引月長削脂膏吁嗟乎水東橋北五鄉皆瘠土  
何堪粒粒辛苦盡向標娘字裏銷

江宗淇 邑武庫見外志

奉真仙觀

晴煙縹緲接蓬萊玉宇清虛別境開五色文魚生古井幾行  
翠草雜新苔 觀右古井赤五色文魚砌下生翠雲草 天機觸我元關啟秋色移

人詩興來清磬一聲山鳥寂好通呼吸到靈臺

穀山寺

已歷穿風坳 坳在城南 隨瞻寶月池 山前即寶月池 門蘿尋積翠  
剪棘

讀殘碑溜穀石何處成橋僧住菴 山中有巨石出穀曰僅給

止寺僧曰御建邑之嘉定橋 昔時人事杳山寺僅留基

登鷺鷥寨

因上鷺鷥寨來過野鴨塘 塘在寨下 松楸迷舊路 棘覆遺墻對

面貓兒石 石與寨對峙為東鄉水口 當心燕子堂 堂在寨上 登 與未已歸鳥

噪斜陽

桃花慢 在水北坊土名山塘

載酒來看山外山山行時聽水潺潺幽禽見慣如相識怪石  
逢多也不煩簇簇屏開青嶂合悠悠徑繞白雲閒天台路近  
煙痕鎖空有桃花入幔殷

曉發烏漾灘抵贛郡作

杜宇啼開花欲然森森綠樹曉含烟雲蒸山腹根牽石水拂  
江心浪煮船沙際間逢三兩渡崖端時見幾重泉一番春漲  
輕舟便不待詩成到古虔

信豐縣志卷十六

外志

方技 方外 雲霞 印墓 雜祀 寺觀 五岳 軼事

志有外編猶書集之分內篇外篇雜篇也易傳韓詩春秋  
左氏傳及管子晏子莊子皆具此體蓋事無統類而  
收其緒餘則于是焉舉之此志之常也而今則仍截之  
以義小技泥道異端亂正原其始之盡心力而爲之非  
不通神明絕嗜欲遠紛華也僚之九秋之奕表公之劍  
老佛來往出入于生死之途斯亦極天下之能事者矣  
而君子弗務也守吾經常察吾倫理而已故子程子以  
善書者爲無有知道爲其玩物喪志也而况其與人道

...者乎至名流淹跡於吾土而非生長斯地之人與  
死之非國典也生死之判途也五行之有舛錯物怪之  
非常見事之有出者皆入之外編雖外也而仍志之  
則終非一削棄而不錄焉者比矣

技

子玄隆精研道錄相傳明憲宗時中宮懷娠難產召

符以進胎遂降應驗如響朝中縉紳贈詩送歸

怡善鼓瑟兼工篆籀時人有成連雪漁之目至今

石者如拱壁焉

善畫竹筆勢縱橫具凌雲掃月之致東坡云老

可能爲竹寫真迪無愧焉兼工草書人持練素以求者無

虛日年九十終

方外

陳憐南野術士其人通靈夜嘗乘龍還家其婦懷娠憐母疑

與外人通密覘乃知爲憐乘龍至家輒化成青竹杖內發

戶前母因將杖去須臾光彩滿堂憐御震鶴復還南野南

野即今信豐地 鄧德明南康記

僧伽姓吳名文先生于五季時家信豐祝髮爲僧聞贛廬山

異秀杖錫攀躋居久之去零都止明覺寺僧伽院不飾細

行飲酒食肉與市井浮沉嘗持松梢行歌曰趙家天子趙



家王人莫測其所謂皆笑以爲狂蓋謂宋將興也羣兇凌之輒竄入克家竹園呼曰大園竹好掃屋浹竹枯盡其家亦替人始驚異焉院後舊有竹林中一竿特巨僧伽嘗夜半擊竹而歌寺僧疾其囂伐竹俄而芝生于根邑人曾德泰垂老無嗣異僧伽欲延之飯未及召旦已先歎其門飯罷語之曰當以珠報曾果生二子孫在俊之汀州武平謁定應禪師曰汝雩陽有佛何爲禮我俊告歸因寄一扇與僧伽舟還甫艤岸僧伽即來迎問曰吾師寄扇安在由是邑人皈依號爲生佛祥符己酉六月初六日跌化人不忍火以金漆塗其身祀焉後忽有竹生其床下開禧初勅

封靈濟禱師嘉熙加慈祐咸淳加慧應解學士緝紀其事

甚詳 見府志


僧圓通俗姓蕭邑人自出胎不茹葷味明嘉隆年間出家于邑西五十里上方黃氏之山塲密坑巷禮拜道祥禪師嚴持戒律功行精進虎見之馴伏皈依日衆開數十處禪林布散僧徒道貌光華年逾期頤顏若童子將寂時預傳徒衆其坐化值夏炎之候延留七日其容如生身尸不穢待徒衆四集然後送瘞塔中三年啓視內體柔軟髮長一寸跣足微笑宛如平昔異香襲人乃漆其軀供養有禱輒應

云 見張志



元日，歲熙初年居信豐之白雲庵嘗旬日不得食不言饑里中具齊饗之會者八十餘人人供飯一甌盡啗之如是以爲常語未來事多奇中有徒某雲遊二十年具一日語寺中僧曰汝師兄歸來送我圓寂矣言訖而某至具與其跌坐三日而化邑中異其事 黃文澍桃穀志

日御名轍幼學佛于霰山比受戒律往來東禪寺募化衆力重修慧應橋後仍甘中丞水東橋址募衆復修嘉定橋時東鄉楊坊堡土山上忽有仙孃著靈異聞粵隣近聞風禱祈者日衆因彙集香錢以助公費日御出納經理橋賴以成里人祀其像于橋 見西戌張藉志

黃雲舉人自錦子也幼博學善詩爲諸生嘗疾病生員黃瀟診之曰此異人脉也後一旦發憤刈髮爲僧弃家室遠遁或見其往  山衡湘間號田和尚與諸僧講易不知所終

寓賢

牧鞭者姓劉氏楚黃人與郭修野友善修野自滇南謝政歸築舍龍洲山麓四方交遊若泰和羅仲英永豐程九屏皆越境命駕共數昕夕牧鞭尤深相契合願終老遂從而卜居焉性疎放山童野叟時與相狎嘗帶葛巾以謁客修野數誚讓之終不肯易與談論時事不答或佯爲他語有來



李翁僧旋遁去後數歲復至寺一日出所藏笥付寺僧曰我死並焚之是夕卒及焚笥則皆官服云

墳墓

宋

丞相呂大防墓 在南山金文寺右

按公秦人元祐中與劉摯范純仁同時輔政謫黜奸邪執政八年始終一節後為章惇來之邵所排擠奪官流嶺南道經信豐寓南山寺疾作遂卒疾劇時語其子景山曰吾不復南矣汝歸尚有遺種公遂葬于此此舊志所紀載也考續通鑑云大防卒於信豐哲宗問大防行以至慶州左右不對及大忠請歸葬遂許之則汲公之墓不在信豐也明矣今一塚尚存遊人過南山者皆必為之瞻拜焉豈其平時曾渴葬于此後之人不欲泯其跡特存此一杯土以重其地耶則公之孤忠亮節足以感發人心者于此可見也矣

元

縣尹李廉墓 詳名宦

縣尹李敬墓 李廉子安成人父子相繼知縣事皆殉難葬于邑中祀雙節祠事詳名宦

明

縣丞李子龍墓 在水東坊祖教寺左

知縣王學古墓 在水北坊中山塘

儀隴縣令黃閏墓 在車頭邨今名車上

山東按察使僉事黃思賢墓 在車頭村

吏部主事黃德溫墓

處士馬麟墓

長興縣令黃注墓

樂清縣令劉時省墓

湖廣浙江按察使司副使黃大節墓 在小江早禾田

衢州通判曹明墓 在水東坊祖教寺右

涇府審理俞溥墓 在黃陂半運

德府審江潮墓

孝子黃學墓

旌德令張淵墓

巡撫浙江都御史甘士价墓 御塋水東坊九子嶺萬歷

四十三年遣江西布政使司贛南嶺北道葉其蕃諭祭

有御祭文曰惟爾清修實政體國愛民劇邑雨著乎循

良西臺備聞其蹇諤歷官大理晉位中丞當吳越之懷

襄痛黎民之饑溺請漕發粟起溝壑于更生飭武厲兵消

萑苻之竊發士行實宗其正學民心久戴其深仁殞謝

有年感恩弗替宜加異數先播桑章祭壘並頒忠廉永勵

魯府教授俞琳墓 在桐木堡小溪渡頭

孝子李元祺墓 在楊坊堡福船岡

論曰自古賢人君子生有所表見於時沒則有所稱述于後千載而下猶令人思慕之不忘故往往誌其邱壠所在骨雖朽而令名無窮焉如齊侯之于柳下季攏採樵有禁漢高之于信陵置守塚五家是重其父因以重其墓也然則士君子修身砥礪苟能有所樹立就能使之湮沒無傳哉傳曰君子疾沒世而名不稱其此之謂歟

雜祀

葉公廟 一在穀山一在烏漾灘按南康志云葉率為晉江

太守避劉曜之亂奔豫章南埜東界竅山卒因廟祀焉時

二兄偕來曰混者吳赤烏五年為大司馬卒邑之首方口

曰仲通者亦為九江太守卒邑之烏漾灘俱廟祀焉

太子廟 在清平門內所坡下建置無考所祀不知何人或

言南唐後主李煜為太子時嘗有功德于民故江西郡縣

多祀之憫其亡國故仍稱太子云有明時胙蠶窠盛左新

建慈聖宮祀司痘天姥

大王廟 即信豐所舊址康熙己卯年建祀金龍山四大王

謝緒明太祖手製碑文山東分水龍王廟紀王事甚詳為十五船運丁往返祈賽之所

按所署設于明洪武二十四年千戶汪淵堂廡軍舍樵樓榜亭之屬備具地表五十丈廣三十六丈明末燬于兵既所弁裁而基遂屬之十五船康熙二十五年邑令時始議建廟三十九年邑令張拓而新之前為戲亭為頭門為屏牆後為慈雲閣為僧房客寓義倉厨圃而所堂外軍地及舊兵馬司城濠之稅統歸之廟云

江東廟 在水東坊

水府祠 在水北坊常東西兩河合流之衝江濤一注

佳麗八景桃水拖藍即此下有宗三廟

興隆廟 在花園上半里許

黃公廟 在鎮南堡磧頭神黃姓名汝民子思聰明時身由始興保昌來踞鎮南堡獅子磧為巢悉奪居民田地民思聰請于贛軍門領兵勦除追至南雄盡殲之軍門上其功賜冠帶久之鎮南堡大疫死者無算土人走禱于南雄城隍廟夢神告曰汝地主黃公父子有德于汝何為無享祀乎乃歸建廟疾乃息至今禱祠悉應

衢孚廟 在縣治東里衢孚山上以神名也

論曰方社之設先王通民情之所嚮以遂其所求固法

所不禁然非

一國家之常秩也馬貴與通考故于秩祀外旁及雜祀淫祀

尚有其舉之則水旱疾疫禱祀祈報亦安必違民情之欲以拂其求也哉邑之祀闕帝城隍丁公天姥七姑

報賽之典各附下里廟盛極一時大率皆雅詩以社以

方之謂舊列秩祀之後則殊不倫今姑列之外志以著

習俗所尚有由來焉

寺觀

寶塔寺

初名延福在縣治北孝義坊中為大維殿殿後有

塔高九層一統志曰信豐石塔無影影見則有災其始建

歲月無著相傳磚石間有字可識曰楊貫重修又或有異

赤烏年號今更名祝聖凡朝賀拜

闕於此

金文寺

即南山寺在縣郭外南二里宋太平興國七年邑

人劉仁舉建紹興中年呂汲公寓于此病卒其右數百武

有呂公墓

東禪寺

在水東坊宋元豐二年建東禪曉鐘為邑八景之

一

長壽寺

在水北坊宋治平二年建西河繞其前與城西烟

景相望

祖教寺

在水東坊距縣三里宋淳熙五年建每歲迎春于

此

方廣院 在竹橋河里許順治初邑人黃崇實建高僧日  
挂錫于此為僧人集眾說法之所

囊山寺 在縣西三十里半山中開一阿曲唐建寺興廢

一寺廣百餘畝殿宇崇闕僧嘗百人巖曰芙蓉草曰

一曰翠雲泉水直流香積厨下有高僧日御誤有穀山

順治己丑邑人黃耳中闢寺後為見堂乾隆乙丑令李源

重修大殿及兩旁齋堂禪堂規制一新

光相寺 在藍田里新龍山距縣一百五十里宋普濟大德

禪師學佛之所其建置年月失考

香山寺 去縣八十里建自唐以前寺在山頂之曲山高二

十餘里五六月間僧或衣綿絮飛霧時罩殿宇上有祖師

閣望邑治如斗其勝詳山水志明羅洪先有記

白雲庵 在縣南一百二十里林壑幽邃神僧元貝所居今

肉身現存寺中

東華庵 在七里東華山麓舊庵已圯康熙壬辰署令馬漢

英重建山有泉清冽景亦幽靜學博熊光有記祀聖女靈

應大著禱者常不遠數百里襁負而至

奉真觀 即南山觀在縣西南一里唐大中元年建于青圃

後遷九日崗宋開寶間邑令李禪遷今所董志云內有井



論曰竹橋爲生佛之鄉萬山乃哀道所宅琳宮瓊宇之盛固宜其獨著矣而東禪之鍾寂若香岫之鶴不來豈興替之有時哉然遺蹟未必無存好事者未嘗不踵起而繩繩承承于後也志之所載不厭其繁民風之殷阜將於是在乎見亦昌黎子年豐人樂狗人之心設瑰麗之觀之意乎若柳河東曹溪大鑿碑嘉其陰翊王度曾南豐于菜園院佛殿之成致慨于學聖人之道者任天下之事未嘗有勤行之意堅特之搯因可栖而浚慨于吾道之不行意又別有所寄吾于茲則並有取焉

五行

永樂十年壬辰春四月霽雨水漲入城高一丈五尺有餘已亥乙巳知之

正統元年丙辰秋七月郭外群虎晝遊傷人兩月乃息十二年丁卯夏四月大水

天順六年壬午夏五月大水居民漂沒溺死者甚衆正德十二年丙子正月居民火凡四晝夜學宮爲燼

嘉靖十六年丁酉秋七月大雨山漲驟至入縣堂露臺民居漂沒城圯十六七近河廬室蕩析存不一二

十七年戊戌春三月甘露降環縣數里五六日凝如珠夏火

旱歲入僅二分學前居民盡火

二十四年乙巳五六月不雨大饑斗米二錢

二十五年丙辰夏四月大水迎恩永興二橋俱衝圮永興橋即今慧應橋

三十八年巳未寶塔頂吐黑氣

三十九年庚申正月初五日下午賊賴清規掠至城下水東

三月復掠縣界袁漣橋

四十年辛酉夏四月塔復吐黑氣賴清規復掠至城下居民流離

萬歷四十四年丙辰夏五月大水三日乃退嘉定橋圮民居

蕩析

四十五年丁巳夏六月水亦如之

崇禎十四年辛巳秋七月十五夜地震是年冬十一月二十

四日復震

十五年壬午秋八月哄傳馬疏精由廣東至龍定及信豐各

鄉城居民皆聚一廳鳴鑼執械護防達旦四閱月乃息

十六年癸未定南樟田楊細徠以妖言惑眾南鄉一路有棄其父母妻子產業而不顧者往樟田從教為亂事敗左叅議

于公鈔督兵勦洗眾潰奔回鄉堡數送縣究治

國朝順治三年丙戌春正月雹大如杯屋瓦碎裂林中鳥雀

繫死殆盡三月狂風折屋拔木

五年戊子春二月寶塔吐黑氣如煙凡七日其夏五月陰雨不止斗米四錢

七年庚寅冬十二月十七夜地震

八年辛卯春二月雹大如盃

十一年甲午虎遍鄉村晝出傷人城市皆至

十四年丁酉春三月至秋八月旱川源皆涸斗米二錢

十五年戊戌夏四月大水

十八年春正月二十九日暴風狂吼折木拔屋春三月虎三五成群五月東鄉大風雨雹六月鐵石堡駝背山忽裂

康熙十七年戊午夏五月大饑斗米二錢餘

十九年庚申連歲豐稔

三十三年甲戌夏五月饑

三十六年丁丑夏四月饑斗米二錢五分

四十三年甲申大饑斗米二錢餘男婦扶老携幼乞食者甚衆死者數百人縣令張公執中發倉穀作米減價平糶每升

六文民賴以生夏五月二十四日大水漲入城市至六月初一日始退

四十四年乙酉六月二十七日午時地震是歲大豐

五十二年癸巳洪水爲災

六十年辛丑大饑有餓死者

乾隆九年甲子五月初三四日大水

十五年庚午穀賤十二月十九日二十日兩夜大震雷雨

軼事

晉葉率為九江太守與兄大司馬混大守仲通避劉曜之亂

奔豫章南楚東界率卒于寢山混卒于首方口仲通卒于處

漾灘皆今信豐地也故俱廟祀焉南康志

縣水南有瑞蔭亭亭前兩巨樟相去百餘步其高拂雲枝幹

扶疎類煙霄中物亭以故得名紹熙癸丑秋大水浸縣鼓樓

兩樟之間為水淘洗露出一連理枝自東徂西長四十五丈

枝下云地大許遂為一邑奇觀夷堅志

呂大防家居時有僧踵門募化大防即諾以金錢僧曰願化

公壽器大防覺其有異慨與之後為相奪官流嶺南道經信

豐南山寺疾作見壽器在焉疾卒即以此棺殮之舊志

邑有太子廟天啓時知縣蔡自強欲毀之命典史金都往馬蹄

忽折乃自往與復折遂止今血食之盛如故府志

國朝順治三年三月異風狂發水東東禪寺古栢四株連根

拔起寺內曉鍾不擊自鳴張志

邑有巖石堡山名駝背嶺近嶺住者三家順治間居民夢神

告以嶺崩語之人因相率叩問土神一土人迷眩作神語曰

初十日水裂十七日崩有雨主確信先徙去一主以為妄也至  
初十日水裂十七日崩大風掀一婦人出五里坑口遇一樹  
力抱挹得救上下衣裳零掛殆盡嶺崩之土皆泥渾如醬沒  
其屋沉一女子樹木皆沒竹之高于樹者僅露其梢對面是  
人是日延塾師飭塾師因神之語惴惴懷懼令童子出門外  
瞻望對山若有搖動狀即喊叫童子左叫嶺動師奔出其崩  
土已飛至面前沒其身之半幸鋤鋤得及乃掘出沒田若干  
頃距崩嶺相近有砦名珍珠亦傳言裂開一縫此變之不啻  
有者也

隍祠於康熙二年八月間其中諫廳無風雨自傾塌  
直齊香爐墜下不損及爐若界斷然人以為神靈顯應  
張志 以上

十里堡生佛堂前有已插禾田輪廣四丈發于乾隆十六年  
辛未閏五月某日忽有丐者指示人曰此田將沉其夜果沉為  
井深二丈餘水湧平曠

信豐縣志卷之十六終 外志

信豐縣志續編

外志

方技

方外

富賢

邱墓

雜祀

寺觀

五行

軼事

方技

賴迪哲邑庠生不求仕進嘗棲息燕子巖遇異人授以脩煉之術一日從遊巖頂轉盼失其所在順治間鐵石駝背嶺裂數日猶震動迪哲用法鎮之

黃師法字宗道號侗菴邑諸生性嗜岐黃精其術造門求治者無虛日每於萬難措手中見轉移妙用父文澍著有醫宗輯畧與叅校為箋註督學姚公世榮病篤諸醫束手師法徐為理之病獲痊

鏡應理性瀟灑流逸善草書工畫人物花鳥而墨龍尤妙入  
神獲之者珍如拱璧其親弟應瑄應玟亦工畫與兄齊名  
謝敬修太學生性曠達樂親善人知音律精堪輿以遺書授  
子揆文傳其術

黃世樑字任宇精青烏術六壬洞澈邑城西南隅有四望亭  
又曰接龍亭被某侵佔世樑察其地為縣龍來脈獨清出  
之廉直勁正紳耆企仰

謝瑤階幼業儒精痘科冬末春初慎揀良苗按方種痘孩童  
經其親種者無不獲全遠近婦孺咸德之為人口快心直  
善解紛子宗漢傳其業

江宗淇字筠友邑武庠耽吟詠兼精岐黃青烏術著有天符  
星曜趨避義例六壬輯要造命發微造命千金列宿分度  
揆星師真編七十二圖航江一葦丹丸善本丹膏善本痘  
科善本本草類編諸集

方外

毛大年雍正初年居金文寺精楷書善懷素大字勁瘦酷似  
歐公

秋水僧乾隆初年住錫花園坊不二菴工詩善篆籀嘗與邑  
士大夫相唱和品格閑逸時人以賈浪仙目之

淡月僧乾隆中年住錫城南三里許金盆山好吟咏疏風淡

月日寓幽懷類非托空門者可此

餐雪僧乾隆中年居奉真觀之九皇閣自署優曇精舍喜種名花四時芳馥往來香山寺一時名流相與唱和董志云觀內有井出金鯽魚即其地

幔亭僧柱錫城南三里許棲霞山善畫鸚鵡全以水墨擅長不輕使筆得其尺幅者珍之如寶

淨雲僧居迴龍菴專修淨業嘗獨坐空庭自言鳥鳴山幽泉聲滴瀝處處可悟宗旨能貫通儒釋喜焚香煮茗與文人講究經典其徒捐華亦嚴持戒律

寓賢 仍舊志

卸墓

國朝

禮部主事黃世成墓 在城南十五里合口壩松山下松樹

嶺

雜祀

龍王廟 在宋家園河畔距城北迎恩橋半里許乾隆五十一年邑令吳士淳建

真君廟 在小江墟街西乾隆年間堡內衆姓建每歲仲秋祝許旌陽報賽頗盛廟內有嚴禁搶奪開標採茶火戲之碑七租定價永不再增之碑



文一宮 縣城北迎恩橋里許地居壬癸小阜隆起以形容  
言建寺其上用制南山文明山丙離之火免遭回祿宮是  
以名剝於明年月失考中祀元天上帝旁祀明名宦王六  
如像歲久頽圯嘉慶十九年邑人熊盛彩黃尹班陳澤亭  
捐金倡修

迴龍菴 在縣南一百里小江居高山之陰明隆慶四年謝  
明珍歸林後建菴以為棲神息影之所高皇六世孫江藩  
體乾題曰迴龍勝境寺左山下出泉靜而清味甘冽茂林  
幽邃謝氏子弟多讀書其中寺右為松岡祠祀明珍

五行

乾隆二十一年丙子秋八月甘露降味如飴

二十五年庚辰芝生覽秀亭畔

二十九年甲申大水漲入城市高二丈江干田廬多被淹沒

四十二年丁酉大水嘉定橋被冲

四十五年庚子山虎噬人

四十九年甲辰豐稔

五十一年丙午大疫大旱斗米四錢

五十四年己酉大饑

五十五年庚戌豐

五十六年辛亥大風拔木

五十八年癸丑高一步池荷並蒂

六十年乙卯春大饑斗米五錢

嘉慶元年丙辰大豐

八年癸亥火燬嘉定橋

九年甲子大水

十一年丙寅冬地震次年春復地震

十三年戊辰火燬尊經閣及拱日門嘉定橋

十七年壬申雷雨連月大水嘉定橋頽一墩

十八年癸酉雹不為災晚稻出葱

二十四年己卯桃李冬華無霜雪

二十五年庚辰大旱大疫大饑

道光元年辛巳大熟

道光三年癸未豐

### 軼事

邑有靈山廟祀南唐李太子香火最盛明洪武時敕賜大紅

五爪金龍袍服至今賽神日猶被神體賽畢即盛箱篋編

甲長收掌之

明天啟時知縣蔡自強湘潭人性剛果毀淫祠卒於官靈山

廟神降乩詩筆迥異尋常觀者詫異邑名士俞通與蔡為

文字交詣此壇贊之曰此非蔡湘潭手筆乎此遂息

邱墓補遺

按舊志邱墓共載二十人墓址未詳者九今採訪得具三  
補載於前仍列新採者七人於後

明

吏部主事黃德温墓 在車高

長興縣令黃注墓 在十里堡鍾馗山

德府審理江潮墓 在西鄉禾鋤陂

處士謝元宿墓 在南鄉東坑上軍寮

國朝

孝子謝應奇墓 在小江堡大嶺下

順寧府太守楊廷為墓 在上西門外睦坑廟背

澤州府太守俞世治墓 在花園坊曠谷嶺

鄰水縣令袁鍾秀墓 在東鄉劉坑口

博羅縣令黃占鰲墓 在車頭村

延津縣令江大儀墓 在游州堡山塘坑

補刊信豐縣誌跋

邑之有志乘所以辨殊風傳佚事紀山川之形  
要明政教之宜施官其地者覽焉習焉援古以  
證今而得其措手之處當如帳中論衡枕中鴻  
寶所同珍也信邑舊志失修久矣年深代遠復  
經兵燹其板之失去者將十之三余守斯土詢  
得其故慨然感餼羊之亡恐其逐漸消磨後數  
十年并其存者亦就湮也欲加重刊則工繁費

舉不易舉行且慮蕨事無期轉至半途而廢也  
不得已思其次焉捐俸金購梨棗視其板之已  
毀者補之將毀者易之合諸舊存始成全璧庶  
幾乎徵文者有所考服政者知所師矣若夫集  
重資聘名賢另撰新志以備典章固其上也然  
而吾力有未逮也成吾志者以待後之君子  
同治六年丁卯重陽知信豐縣事古越周之鏞跋



# 本部书完

本片卷含： 序卷1～卷16